

EPB/A/57143

2811

99

Suppl

BUXTORF, J.L.

Buxtorf

A. Ω.

C U R A VALETUDINIS RELIGIOSORUM,

ad normam naturæ,
secundum rationis & experientiæ dictamen,
breviter delineata

a

JO. LUDOVICO BUXTORFIO,

Phil. & Med. D. Basil. Reipubl. Poliatro.

*Artis origo fuit, leges servasse diætæ,
Tamque salutare, quam res didicisse nocentes.*

HEBENSTREIT, *Carmin. Med.*
P. III. C. I.

*Dogmata traduntur sanæ generalia vitæ,
Omnibus est individuus lex una valendi.*

Id. *ibid.* C. 3.

Editio secunda, in duas Partes divisa & aucta.



B A S I L E Æ,



Apud

JOANNEM SCHWEIGHAUSER,
M DCC LXX.

REVERENDISSIMO ac AMPLISSIMO
DOMINO
DOMINO
HIERONYMO II.
INCLYTI MONASTERII
S. VINCENTII BEINWILENSIS
AD B. V. Mariæ PETRAM,
ORDINIS S. P. BENEDICTI,
ABBATI
MERITISSIMO,

Nec non

PLURIMUM RR. DD.

PP. CAPITULARIBUS
EJUSDEM,
SUA QUISQUE LAUDE HONORATISSIMIS,

Hanc opellam

In tesseram studii, observantiæ, & obsequii sui

Cum voto vitæ & valetudinis prosperæ,

& omnigenæ felicitatis,
submitte consecrat,

Seque perennanti ipsorum FAVORI
humillime commendat



1. 10

J. L. B.
Ven. Capit. Ordinar.

331395



A. Ω.

CURA VALETUDINIS RELIGIOSORUM.

PARS I.

DIÆTETICA,

DE

VALETUDINE PROSPERA TUENDA.



I.

ITA corporis, dum perenni motu
interno, fibræ, vasa, & viscera
agitantur, & jugi fluxu humores
per vasa feruntur, ceu inæstimabile
omnipotentis Dei donum, nemini non mortalium,

A 2

ex

ex connato instinctu, curæ cordique esse solet. Eandemque vitæ custodiam, cæteris quoque animalibus in universum, exquisite ingenitam esse videmus, utpote quæ incredibili studio suæ salutis consulere, & mirabili solertia nullas non vitæ insidias cavere, & effugere norunt.

2. SANITAS autem est vitæ perfectio, sive naturalis, & legitima corporis dispositio, cum omnium functionum integritate, Divinæ bonitatis amabile munus, quod grata mente in pretio habere, omni-que studio, & cura custodire, cuivis hominum in votis esse debet. Tanta in his terris felicitas, „Mens „ vegeta in corpore sano! Si ventri bene est, si lateri est, pedibusque tuis, nil divitiæ poterunt „ regales addere majus. HORAT. *Epist.* XII. 5.

3. Eo majoris est dignitatis ars Apollinea, quæ manus HEROPHILO fuit olim dicta Deorum, vitæ & valetudinis humanæ custos, ejusque tam prosperæ tuendæ, quam adversæ curandæ magistra. Cujus ea pars, quæ Diæteticæ nomen gerit, pro scopo habet, Deo dante, sanitatem præsentem conservare, morbos imminentes arcere, & corpus, quoad licet, ad longævitatē disponere.

4. Magno Dei beneficio, ubique terrarum præsto sunt necessaria vitæ præsidia; huic tuendæ perquam idonea, si ad almæ naturæ normam in usum ducantur. Quo nomine apud Medicos vulgo celebrantur sex res non naturales sic dictæ, aer, cibus & potus, somnus & vigilia, motus & quies, excreta
&

retenta, animique pathemata, quas termino tecnico, licet minus congruo, ita appellare antiqua consuetudine receptum est.

5. Externis autem vitæ præsiidiis, mirifice respondent corporis humani vires internæ conservatrices, omni admiratione dignissimæ, ineffabili almi Creatoris providentia ipsi ingenitæ; quarum ope & efficacia, alimenta ingesta in ore, in stomacho, intestinis, cæterisque visceribus subiguntur, digeruntur, elaborantur, & nutritionis causa in substantiam corporis assimilantur, quæ supersunt cruda, feculenta, alendis partibus inepta, secretionis & excretionis ministerio, per congrua emunctoria tempestive eliminantur. Interea pulmones alterno thoracis motu, aërem inspirando, & expirando, quasi spiritum vitæ ducunt, sine quo omnis animatio corporis citò periret.

6. Princeps diætæ salubris studium versatur in usu legitimo sex rerum nonnaturalium (5), cui definiendo, partim instinctus naturalis, partim sana ratio cum experientia fideli, leges ponit. Ex conato enim instinctu, quoad integer & incorruptus fuerit, & homines, & quævis animantium genera, ad præsidia sibi congrua, & salutaria feruntur, dum contra quicquid alienum, inimicum, aut perniciosum est, quam maxime averfantur. Inani stomacho, cibi concupiscentia, urgente calore & siccitate, potionis desiderium; & corpore a labore fesso, invincibilis ad quietem, & somnum propensio nascitur. Quæ autem res sint oppidò naturæ consen-

tanæ; & salutiferæ, vel ex adverso inimicæ, & deleteriæ, cum maxime usus, & experientia patefacit. Cui utique sana ratio consentit, si recto tramite incedat, & a fallacia sensuum, & iudicii, sibi cavere discat.

7. Optima vero dux & magistra salubris diætæ, est ipsa hominis natura, vires sui conservatrices, ab omnipotentis Dei manu insitas, admirabili functionum suarum virtute, ac harmonia, unicuique mortalium vitæ & valetudinis suæ studio, evidenter ob oculos ponens, ad cuius adeo dictamen, & normam, tota victus ratio instituenda venit.

8. At, cum infinita sit regionum, & nationum in mundo diversitas, & nusquam non ætatis, sexus, temperamenti, educationis, vitæ generis, consuetudinis, discrimen, nec non anni temporis, cœli, & aëris perpetua vicissitudo, vix constitui poterit ratio victus tam universalis, quæ per omnia quibuslibet hominum ex æquo conveniat. Quin potius, quod Empirici apud C E L S U M prudenter monent:
 „ differre pro natura locorum, genera Medicinæ, &
 „ aliud opus esse Romæ, aliud in Ægypto, aliud in
 „ Gallia (a): idem & quoad alias atque alias circumstantias valebit.

9. En tamen aliquas Diætæ leges satis generales, & universo mortalium generi congruas, & salutare, sed quæ non omnem absolvunt paginam, nisi pro diver-

(a) *De Medic. L. I. in Præfat.*

diversitate causarum, aliæ atque aliæ speciales, videlicet ad certas conditiones relativæ, adjiciantur.

- I. Ad almæ naturæ humanæ normam, sui conservatricis optimæ, totam victus rationem componere.
- II. Instinctui naturæ automatico; quoad sincerus fuerit, obsecundare.
- III. Salubrem, vel insalubrem quarumvis rerum effectum, ex ipso usu & experientia discere.
- IV. Vario generi aëris, cibi & potus, motus & exercitationis, a puero adsuescere.
- V. Ad motum, & laborem impigrum esse; otium & desidiâ vitare.
- VI. In victu simplicitatem, & temperantiam amplecti.

„Non minor est virtus, quam quærere, parta tueri,
 „Nec minus artis opus, vegetam servare salutem,
 „Quàm fuerit, recto medicamine ducere morbos.
 „Ut valeas, alimentorum sit commodus usus,
 „Optimus aëreis ducatur foliis æther,
 „Sit varians alterna quies, cum compare motu,
 „Post vigiles horas tradantur corpora somno;
 „Nec moveant placidam violenta pathemata mentem,

„Organa fundendis semper sint pervia succis;
 „Quantum quisque potest, casus evitet iniquos,
 „Qui solidi nexum, fluidorum vincula turbant.
 „Has artes Hygiæ docet, Dea prima salutis.

HEBENSTREIT, *Carmin.* P. III.

Hygien. C. II. §. I.

10. Verùm ut specialius innotescat, qualis Diæta Religiosis regularibus præcipue conveniat, quo Deo dante vitam fartam tectam, & valetudinem prosperam, & incolumem conservare, imo etiam longævitatis spem aliquam alere queant, necesse erit, quælibet vitæ præsidia (5) sigillatim considerare, eorundemque usum maxime salutarem, secundum naturæ dictamen breviter exponere.

ANIMUS.

„ Ingentes animi motus compesce, valebis,
 „ Ut tibi mens hilaris fuerit, pectusque quietum.

HEBENSTREIT, *Carmin.*

P. III. C. 8.

11. Alma pax animi, & tranquillitas læta, omni perturbatione vacans, mirum quantum vitæ incolumitati conferre solet, quatenus œconomix animali in universum, spirituum motui æquabili, sanguinis circulationi liberæ, concoctioni & nutritioni, secretioni & excretioni salutari cum maxime favet. Prout experientia fidem facit, illos mortalium præ cæteris, ex voto & sententia prosperè valere, & longævita-tem adipisci, qui animo sereno & tranquillo vitam ducunt. Unde salubris regula diætetica fuit: Ani-
 mi euthymixæ sedulam operam dare, in eaque mag-
 nam sanitatis fiduciam ponere.

12. Ex adverfo animi fluctus, & impetus, ira,
 terror, metus, tristitia, ambitio, avaritia, invi-
 dia, & quæ plura sunt alia pathemata, seu aperta,
 seu

seu clandestina, ceu naturæ hostes infensi, vitam & valetudinem labefactare, nec raro in exitium præcipitare solent, prout exempla passim locorum testantur, illos omnium minime fausta & felici valetudine frui, qui animo laborant. Unde iterum regula vitæ fluit: Quævis animi pathmata graviora vitare, ne is gravi cura faucius, vel metu, mœrore, desiderio, cura & sollicitudine auxius, una cum corpore detrimentum patiatur.

13. Cum vero in Monasteriis, vita sedentaria, frequens solitudo, animi contentio, & assidua literarum studia, meditatio, lectio, lucubratio plurima, emporium animale infirmando, sæpe in spiritibus penuriam, in sanguine, cæterisque humoribus lentorem, in stomacho & intestinis flatulentiam, & cruditatem, in visceribus reliquis inertiam & obstructionem pariat, ideoque corpus luctuoso malo hypochondriaco obnoxium reddat, avertendæ hujus calamitatis, & miseræ causa, salubris auxilii prophylactici loco, prodesse potest animi tempestiva recreatio, motus & exercitatio corporis quotidiana, consortium amicabile jucundum, cum apto in studiis moderamine, & prudenti variatione. Valebunt hic triti vulgo versiculi:

„ Interpone tuis interdum gaudia curis,
 „ Ut possis animo quemvis sufferre laborem.

Et dodecas versuum ex Carmine Jatropoetæ Lipsiensis:

„ Sint placidi semper mores, mens blanda beatæ
 „ Est stabilimentum, spes & certissima vitæ;

A 5

„ Dum-

„ Dumque feras non esse finit sapientia mentes,
 „ Et dum virtutum fit conspiratio quædam,
 „ Corporis ac animi connectunt mutua vires
 „ Vincula, dispereunt errores, crimina cessant,
 „ Virtutique studens sua commoda prospicit ipse,
 „ Et cavet, & casus mentem convertit in omnes,
 „ Prospicit, & cautus ventura pericula vitat,
 „ Innocuo fruitur victu, legesve diætæ
 „ Solicito servat studio, salvamque salutem,
 „ Quantum fata sinunt, sibi debet providus ipsi.

HEBENSTREIT, *Carmin.*
 P. III. C. 8. §. 5.

AËR.

„ Aëris, ut valeas, tibi sit selectior usus,
 „ Et tempestatis variantis prospice damna.

HEBENSTREIT, *Carmin.*
 P. III. C. 5.

14. Quantæ sit ad vitam necessitatis, usus aëris undiquaque nos ambientis, ejusque variata conditio, quantum habeat in valetudinem hominum momenti, neminem fugit. Nimirum aër fluidus, gravis & elasticus, assidua inspiratione, & expiratione, pulmones & cohærentia organa vitalia movendo, ceu pabulum vitæ animam sustentat, alioqui citò perituram. Sed immensum variat hujus elementi conditio, in orbe amplissimo terrarum, pro diversitate regionum, locorum, cœli tempestatis, ventorum, anni temporum, diei & noctis, &c. quin imò fere numquam non, & nusquam non, quasi perpetua aëris

ris vicissitudo regnare solet. Quocirca tamen naturæ humanæ ita prospexit alma sapientissimi Creatoris providentia, ut salva vita, & sanitate, omnivario aëri possit adsuescere.

15. Verumtamen alius alio aëre magis aut minus salubritate antecellens, ejus usum prudenter dirigendi, homini sanitatis studio, curam necessariam reddit. Fide ac testimonio experientiæ, aër omnium saluberrimus haberi meretur, qui purus est, serenus, gravis, siccus, temperatus, cum aliqua tamen variatione, sæpe renovatus, interdum vento perflatus, pluvia depuratus. In tali enim atmosphæra conditione, mortales commodissime vivere, valere, vigere, imo satis longævus reddi, ceteris paribus, fida observationum monumenta testantur. Adversæ & infestæ magis indolis est, aër valde impurus, turbidus, exhalationibus, aut vaporibus suspectis, stagnorum, paludum, lacuum, fodinarum, &c. gravidus: Item aër clausus in cubiculis, museis, habitaculis, præsertim angustis & humilioribus, diu stagnans, vix ulla ventilatione renovatus, aut depuratus: nec non aër magno excessu intemperiei, calidæ vel frigidæ, humidæ vel siccæ peccans: demum aër halitu, aut vento quodam virulento, vel abdita constitutione epidemica, vel miasmate contagioso infectus, ideoque hominum generi funestus.

16. Igitur ad scopum salubris diætæ, percommodi usus est, cujusvis loci habitabilis naturam, & proprietates, physico studio, & observatione rimari, & explorare, indeque regulas circa usum datæ
atmosphærae

atmosphæræ sibi constituere. Quocirca bene est, præsto habere baroscopia, thermoscopia, hygrosco-
pia, tanquam idonea instrumenta, quæ manè ac ves-
peri diligenter inspecta, indies atmosphæræ statum,
& mutationem ob oculos ponendo, sicque gradum
levitatis & gravitatis, caloris & frigoris, siccitatis
& humiditatis, docendo, ad curam tuendæ valetu-
dinis, quoad usum aëris, eximiæ utilitatis esse
queunt.

17. Ratione qualitatis, sanitati maxime confert
aër temperatus, neque calore, aut frigore, nec sic-
citate, vel humiditate, modum excedens, sed in-
tra gradum mediocritatis subsistens. Quo scopo con-
venit, pro anni tempore, & constitutione cœli, &
vestimenta corporis, & lecti stragula, & cubiculi ca-
lorem, apte & apposite dirigere: sub exitum autum-
ni, mature brumales vestes induere, nec appeten-
te Vere nimis cito deponere: hyeme cubicula mo-
derate calida magis profunt, quam æstuantia, ex
quibus in aërem frigidum transitus, ob mutationem
repentinam, valetudini minus est securus. Æstate
in lectis plumeis dormire, & incalescere, vel etiam
insudare, naturæ minus est consentaneum, quia sic
nimia perspiratione corpus hebetatur, & ex tali ca-
lore in liberum aërem translatum, facilius noxam
capit.

18. Multum interest ad sanitatem, Monasteria lo-
co salubri, magis edito, quam depresso, aperto,
quam umbroso, lucido, quam obscuro, sicco quam
uliginoso, sita esse, ubi scil. melioris indolis aura
spirat.

spirat. Vernali tempore, ædium facies orientem spectans, æstivo borealis, autumnno ac hyeme, meridionalis aliquid prærogativæ habet. In contignatione ædium superiore vulgo purior athmosphæra, quam in inferiore occurrit: in conclavi altiori, & lucido, quam humili & obscuro, sicco quam humido. Ubicumque autem aliquis degit, ad salubritatem pertinet, quotidie janua, vel fenestra quadam aperta, aliquamdiu aërem ventilare, quo sic internus effluviis plus minus gravidus, cum externo aëre puriore permutetur; quod hyberno quoque tempore, sed tum quidem parcius, facere juvabit.

19. Nec utilitate caret, subinde aërem conclavium, igne juniperi accenso, aut fumo baccarum ejusdem, aut saccharo, mastiche, oljbano, myrrha, storace, benzoino, succino, vel candelis, trochiscis, pastillis, pulvere fumali prunis injecto, emendare, quod non modo fragrantiam ipsi conciliare, sed etiam vitium, si quod habet, corrigere potest. At noctu vitare oportet candelas sebaceas crassiores, vel lampades oleosas, spissiorę funiculo ardentes, quæ fumum densiorem exhalando, valetudini officere, cumprimis autem organa vocis, loquelæ, & cantûs, ipsosque pulmones teneros infestare solent, nisi per caminum ventilationi commodum, & fenestras perforatas, expeditus fumo exitus procuretur. Ut taceam carbones accensos, sulphuris crassî copiam exhalantes, qui forte brumali frigore urgente, nonnumquam in cubiculis clausis adhibentur, quorum halitus, nisi per quandam viam patulam exitum inveniat, hominibus præsentaneum suffo-

suffocationis, aut soporis aliquando lethalis periculum creare valet, sicut tristitia multorum exempla testantur.

20. Non contemnenda est regula diætetica, de perflatu aëris vitando. Siquidem apertis foribus, & fenestris in conclavi, vel in ostio, aut vestibulo ædium, vel in porticu, seu angustia quadam, perflanti auræ se exponere, pro valetudine minus tutum est: præsertim corpore, a motu, ab itinere, labore, exercitio, vel a lecto, a balneo, æstuante, tunc enim pori totius habitus patentiores, nimis subito contracti, ac transpiratio uberior, ab intempestivo aëris appulsu repressa, protinus febri, catarrho, coryzæ, broncho, tussi, cephalalgia, rheumatismo, aliisque malis aliquando gravioribus, originem & causam præbere solet.

21. Ventorum, ut maxima est in aëre movendo, mutando, purgando, alterando potestas, sic illi pro varia sua conditione, in mortalium valetudinem, insigni efficacia pollent. In genere salubritati athmosphæræ magis conducunt, quam nocent, si nempe malignæ qualitatis expertes, moderato flumine ruunt. Aliàs autem, impetu enormi, vel intemperie magna, exhalationum, aut vaporum virulentia, interdum singulari miasmate epidemico, vel contagioso, incolas telluris infestare solent. In quo casu præstat domi se continere, & clausis ostiis auræ inimicæ ingressum arcere; aut si prodeundi necessitas incumbat, potius secundo, quam adverso vento iter facere, idque nonnisi vehiculo clauso, vel
saltem

saltem corpore probe vestito, & præsertim capite, collo, facie, pectore, pedibus, diligenter contra aëris injurias munitis.

22. Ceterum operæ pretium erit, in singulis Monasteriis; quinam venti sint magis frequentes, & familiares, aut magis insueti, & alieni? & quænam illorum sit in valetudinem incolarum, salubris, vel insalubris potentia? strenuo ac solerti observationis studio indagare; indeque experientia fideli duce, regulas ad salutem idoneas, & naturæ maxime consentaneas amplecti. „ Ubi æqualitas est cœli, saluberrimos esse dies serenos: meliores pluvios, quam „ tantum nebulosos, nubilosve: optimosque hyeme, „ qui omni vento vacant: æstate, quibus Favonii „ perflant. Si genus aliud ventorum est, salubrior „ res Septentrionales, quam Subsolanos, vel Austros „ esse: Sic tamen hæc, ut interdum regionum forte „ mutantur, CELSUS auctor est (b).

CIBUS & POTUS.

„ Sumite quæ similem fibris apponere possint
 „ Materiem, quorumque ferat consortia sanguis.
 „ Ne, si quæ poterunt placidos subvertere motus
 „ Sanguinis, aut poterunt vitales fundere succos,
 „ Aut si quæ poterunt minimos farcire meatus,
 „ Guttur descendat: procul absint pabula, si quæ
 „ Tam primas vitare vias, quam viscera, possunt.

HEBENSTREIT, *Carmin.*

P. III. C. 4.

Velle

(b) *de Medic. L. II. C. I.*

Velle suum cuique est, sua sunt fastidia cuique.
 Dissimiles vultu, corpore, mente fumus.
 Dissimiles stomacho: quod amat tuus, illius horret,
 Sic Satyras, alter carmina blanda probat. *

23. Secundum naturæ leges, motus vitalis effectu, perpetua fit partium corporis solidarum attritio, & fluidarum diffusio, unde brevi temporis spatio, sequeretur inevitabilis vitæ interitus, nisi sumpto per vices alimento idoneo, substantiæ jactura identidem refarciretur, ac tantum & tale indies reponeretur, quantum & quale jugi dispendio dissipatur. Idcirco sapientissimo Almi Creatoris instituto, animantia in universum, admirabili instinctu gaudent, aptum sui conservandi pabulum, tempestive quærendi, & avide arripiendi; eodemque sensu monitore, famis & sitis scilicet, ipse homo ad curandum, & pascendum corpus suum vivide impellitur, ac impetrato alimento congruo, mirifica voluptate perfunditur.

24. Idemque naturæ sensus, ac stimulus, stabilita lege docet, quo tempore vesci, & quanto, & quali cibo potuque uti conveniat, nisi forte ex perversa educatione, aut prava consuetudine, homo a salutare tenore deflectat. Videlicet numquam cibus est magis opportunus, aut necessarius, quam ubi perceptio inanitionis, ac naturale desiderium urget.
 At

* G. NIC. HEERKENS, *Medici Groning.* de OFFICIO MEDICI
 POEMA ded. Eminentiss. S. R. E. CARDINALI ANG. MARIE
 QUIRINO. &c. Groningæ 1752. 8. pag. 20.

At citra stimulum famis, & appetentiæ, cibum capere, utique a legibus naturæ recedit, indeque magis nausea & fastidium, pro jucunda & salutari refectione, nascitur. Potest tamen natura certo tempori adflescere, & sua cibationis stadia observare, si a puero talis ratio ineatur.

25. An semel, aut bis quotidie cibum sumere præstet? jam vetustis temporibus in quæstionem veniebat. Quocirca quidem consuetudinis præcipua potestas est. Verum tamen potior ratio, & naturæ magis consona videtur, plus una vice singulis diebus pasci, cum ipse sensus ita dictare, & stomachus vulgo citius, quam intra 24. horas, ingestorum concoctionem absolvere soleat. Unde etiam CELSUS suadet: „ Bis die potius, quam semel cibum capere, & semper quam plurimum, dummodo hunc concoquat. “ (c) Cæterum conditio ætatis, temperiei, virium, vitæ generis, climatis, anni temporis, & consuetudo discrimen faciunt.

„ Nam famem facilius fert adolescens, quam puer, „ facilius in denso cœlo, quam in tenui, facilius „ hyeme, quam æstate, facilius inexercitatus, quam „ exercitatus homo, uti cum HIPPOCRATE CELSUS animadvertit. (d)

26. Copia cibi ac potus assumendi, ex ipso naturæ sensu optime discitur, nisi quæ corruptio intercedat. Ille suadet, pasci ad moderatam satietatem, ac intra modicam refectionem acquiescere; nec ultra

B

se

(c) *De Med. L. 1. C. 1.* (d) *L. 1. in præfat.*

se onerare. Siquidem ea quantitas præcipue salubris est, cui ferendæ, & concoquendæ, vires stomachi oppido sunt pares. Ex CELSI sententia: „ Ubi ad cibum ventum est, numquam utilis est „ nimia satietas; sæpe inutilis nimia abstinencia (e). Ex magni BOERHAVII placito: „ Ea copia cuique „ optima, quam refectionis, non torporis sensus sequitur (f). Sane in temperantia maximum sanitatis tuendæ præsidium versari, omnium locorum & temporum experientia testatur, utpote cujus ope innumeri homines, Deo dante, cum prospera valetudine longævitatē attingunt; dum ex adverso intemperantia gulæ, vires viscerum, totiusque œconomiae animalis infirmat, ac pessumdat, tandemque ilias malorum, & sæpenumero post miserabilem vitam, præmaturam mortem accersit.

27. Ratio victûs simplicissima, ad quam naturalis instinctus maxime fertur, omnium saluberrima haberi meretur, uti victus ex lacte solo, aut ex pane & aqua, aut ex oleribus, leguminibus, fructibus, cum pane & aqua: aut alius similis intra pauciora eduliorum genera subsistens, qualis olim Patriarchis erat familiaris, ac hodiernum alpicolis quibusdam usu venit, qui cum eximio virium robore, salvi & incolumes Nestoream ætatem vivunt. Insignis BOERHAAVIUS pro saluberrimo cibo habet: „ qui sano „ corpori nostro simillimus, facile assimilandus, simplicissimus, parum sæculentus, nulla acrimonia „ stimulante, nec mobilitate nimia præditus est; idem-

(e) *L. I. C. 2.* (f) *Instit. med. §. 814.*

idemque cibos minime pingues, & potum aquæ, corpora hominum robustissima efficere, asseverat (g).

28. Tam multiplex ciborum varietas, ut vulgo hominibus urbanis, aulicis, aliisque more plus minus corrupto viventibus, usu venire solet, naturæ minus est consentanea, nec valetudini amica. Quinimo ingeniosa culinaris solertia, cibos parandi, miscendi, condiendi, & cupedias in infinitum exaggerandi, quantumvis palato blandiatur in luxuriam propenso, certe tamen opinionem & expectationem fallit, atque in sanitatis detrimentum vergit. Eos enim, qui assiduis epularum lautitiis gaudent, longe minus firma valetudine frui, nec adeo longævos reddi, quam cæteros simpliciore victu contentos, abunde experientia fidem facit.

29. Ratione qualitatis, ex CELSI præcepto juvat, nullum cibi genus refugere, quo populus utatur (h), adeoque libere amplecti, quæ ratio loci, usus, & experientia fidelis commendat. In genere alimenta indigena exoticis, ad salutem incolarum intercellere solent. Ex regno vegetabili fruges, olera, legumina, fructus, quos patrium solum strenua manu cultum, Deo benedicente, liberaliter fundit. Ex Regno animali, quadrupedes antiquo usu familiares, vituli, boves, agni, oves, capellæ, porci &c. Ex alitibus, gallinæ cohortales, columbæ, anates, anseres, perdices, coturnices, rusticulæ, alaüdæ, turdi, fringillæ,

B 2

(g) *Instit. Med.* §. 809. 818. (h) *De Medic.* L. I. C. I.

gillæ, & quæ plura sunt avium apud nos genera usitata. Ex piscibus, carpiones, truttæ, ascie, lucii, thymalli, barbi, percæ, salmones, salmunculi, funduli, gobii, nasones, &c. Ex crustaceis, cancri fluviatiles. Ex testaceis, cochleæ domiportæ. Ex amphibiiis ranæ. Quæ omnia in culinis rite parata, satis commodum, nec infalubrem cibum præbent, alia tamen valentiorẽ uberioris nutrimenti, ut carnes, alia infirmiorẽ, ut aquatilia pleraque. Pisces exotici, præsertim majores, ac duriores, ut aselli, merlangi, tempore Quadragesimæ præsertim usuales, partim ob salinum acumen, partim ob tenacitatem majorem, parcius assumendi, ne stomachum gravando, & gluten morbosum gignendo, valetudinem offendant.

30. **CONDIMENTA** ciborum non tam alendi corporis scopo, quam acuendi saporis, odorisve, seu gratiæ conciliandæ causa, vel etiam digestionis adjuvandæ ergo, in usum ducuntur: ut sunt varia condimenta salina, acida, acria, aromatica, dulcia, hoc nomine in culinas recepta: ex quibus principem locum tenet sal culinare, sua efficacia, & præstantia, præ omnibus maxime necessarium, cibos in genere & sapidiore, & salubriore reddens, corruptioni & putredini valde resistens. Ex acido genere, acetum vini, succus citri, limonum, aurantiorum: ex acribus, sinapi, raphanus rusticanus: ex aromatibus exoticis zingiber, piper, cinamomum, nux moschata, macis, caryophylli, crocus; ex indigenis semen carvi, baccæ juniperi: ex dulcibus saccharum & mel, usitatissima sunt. Omnia quidem eximie utilitatis,

litatis, si parcius cum debito moderamine adhibeantur, sed stomacho & visceribus nociva, & humoribus infesta, morbisque acutis, vel chronicis generandis apta, si liberalius in gratiam palati luxuriantis ingerantur.

31. Ex apparatu cibario, farrago quidem habetur talium simplicium, quæ cruda commode in usum veniunt, ut ex Regno vegetabili radices nonnullæ, & fructus horæi omnivarii, poma, pyra, cerasa, uvæ, pruna, persica, corna, &c. ex animali, lac, mel, &c. Verumtamen & eadem ipsa, tum alia atque alia, præparatione quadam idonea opus habent, non modo ut palato gratiora, & sapidiora, sed etiam ut coctioni, & nutritioni aptiora, adeoque naturæ humanæ salubriora fiant. Vegetabilia siccatione, infusione, maceratione, coctione: animalia & pisces, elixatione, assatione, frixatione, præcipue parari solent, in qua re varia in culinis artificia locum habent, integris voluminibus fuscæ & prolixæ ab authoribus tradita. Quamobrem in Monasteriis in gratiam valetudinis conservandæ, magnopere interest, coquos habere artis suæ peritos, & fideles, qui cum dexteritate culinæ præesse queant, & quibus per omnia mundities, & quorumvis ciborum salubritas curæ sit, ne quando ipforum culpa Religiosorum valetudo damnum patiatur.

32. Ut fames cibi, ita SITIS desiderium potionis movet, quæ esculentis solidis diluendis, ori, linguæ, faucibus, gulæ, stomacho, totique corpori humectando, & fluiditati ac meabilitati humoribus concili-

liandæ, ex almæ Naturæ instituto debetur. Potio-
nis autem in diversis regionibus varia genera, usu
veniunt, aqua, vinum, cerevisia, hydromel, lac,
ferum lactis, &c. quo etiam varia infusa, decocta,
julapia, emulsiones, referri merentur. Præterea
quoque luxus mortalium, præter necessitatem exo-
tica concupiscens, infusum foliorum Theæ orienta-
lis, decoctum granorum Coffeæ, Succoladæ Indo-
rum, quæ in principio tantum medicamento loco
veniebant, in usum vulgarem admisit. In orientali
India Palmæ arboris species quædam, in summitate
sua laticem potabilem fundit, qui sua copia multi-
tudini hominum potandæ sufficere potest, magno
divinæ providentiæ beneficio.

33. Potio omnium princeps est Aqua, præsertim
fontana, pura, frigida, limpida, levis, insipida,
qualem homo ex instinctu naturali, præ aliis omni-
bus maxime concupiscit. Hæc palatum & stoma-
chum mirifice refocillat, cor exhilarat, digestionem
juvat, chylum & sanguinem diluit, circulationem
humorum, secretionem & excretionem promovet,
nutritionem secundat, acrimoniam lenit, viscosita-
tem resolvit, sanitatem fovet, imo corpus robustum
& longævum reddit, si ad normam naturæ usu ve-
niat. Divino tali vitæ & valetudinis præsidio, alma
nostra Helvetia passim abundat. Nec inclyto huic
Monasterio deest viva scaturigo aquæ salientis, opti-
mæ, quæ ex vicino colle, ad montis Blauen radi-
cem, per quam comode ad ipsius ædes derivata,
& in horto, & in culina, & ad epulas præsto est,
& cum optata salubritate in usum cedit. Tantum
vero,

vero munus in aliis bene multis terrarum locis desideratur, ubi aquæ fontanæ putealis, pluviatilis, fluviatilis, vel etiam nivalis, glacialis, ex necessitate substituitur.

34. Modum seu mensuram potionis, vitæ ac sanitati conducibilem, ipse instinctus naturæ, & spontaneum bibendi desiderium dictat, nisi ex prava consuetudine a salutari lege desciscat. Corpori videlicet rigando, ea sufficit humoris copia, quæ ciborum dilutioni, & concoctioni, chyli & sanguinis meabilitati, omniumque liquorum libero fluxui per vasa, ex æquo respondet, & quantum fluidi motu vitali quotidie diffatur, tantundem de novo reponit. Quare ultra necessitatem potu se ingurgitare, a legibus naturæ alienum, & valetudini minus proficuum esse solet.

35. Num frigidæ, vel calidæ potionis, salubrior effectus sit? quæritur. Neutrum simpliciter & absolute præferri meretur; sed distinctionem ratio cum experientia suadet. In statu secundæ valetudinis, potio moderate frigida, ut sitienti palato haud paulo jucundior, sic nervis roborandis, & spiritibus recreandis, aptior atque salubrior esse videtur: cum exceptione tamen necessaria, si corpus motu, labore, exercitio, itinere, sole, balneo, incalescat, vel insudet, in quo casu haustus frigidæ valetudini periculum, aliquando & perniciem creare solet. Ideoque tunc temporis a potu abstinere oportet, donec æstus satis mitescat, vel nonnisi tepida, calidave portione sitim sedare.

36. Post aquam apud nos usitatissima est VINI potio, quod ex uvarum maturarum succo presso, fermentationis ope, mira naturæ metamorphosi generatur, magnum Divinæ benignitatis munus, inde a tempore diluvii usu receptum, gratia & suavitate coloris, odoris, saporis, tum & virtutis excellentia, ac salubritate incomparabile: vitæ pabulum amicum, palati delictum, stomachi cordisque lætamentum, animi solamen, somni vehiculum, languoris remedium, spirituum animalium excitamentum, facundia flumen, naturæ balsamum, puta si bonæ notæ fuerit, ac tempestive cum debito moderamine bibatur. Nam quantum modico & legitimo usu, vitæ ac sanitati hominum prodest, tantumdem abusu & luxuria, cum animo, tum corpori nocere solet, ut exempla passim obvia fidem faciunt.

37. Vini autem pæne infinita est varietas, pro ratione vitis viniferæ, regionis, loci, soli, culturae, ætatis, &c. ex historia naturali, ipsoque usu & experientia uberius cognoscenda. Qualitas vini laudabilis, colore, nitore, sapore, odore, levitate, imprimis autem virium efficacia & effectus salubritate æstimatur. In nostro climate passim vina temperatae qualitatis, at in regionibus calidioribus multo generosiora nascuntur. Quorum illa per se meraca, aut saltem parcius lymphata, hæc autem nonnisi elemento aquoso magis diluta, in potum familiarem adhibentur: aut vice tantum stomachici & cardiaci medicamenti, in usum trahuntur.

38. Vina novella, spissa, acerba multum adhuc
fecu-

feculentiae alunt, ideoque in subjectis minus robustis, facile stomachum offendunt. Quæ vero plurimum sunt annorum, tenuia, limpida, magisque defecata, naturæ magis amica, & valetudini haud paulo salubriora esse consueverunt. Quamobrem sanitatis Religiosorum valde interest, Vini delectum habere, atque ex loco idoneo, vinum bonæ notæ in suos usus comparare, idemque in cella probe curatum, & defecatum, nonnisi trimum, quadrimum, aut vetustius adhuc in mensam adhibere. Doliarium peritum ac fidelem, oportet diligenter officio fungi, cellam ex omni parte mundam, ipsaque dolia sincera, curæ habere, vinaque secundum artem optime curare: ab omni mangonio, vel miscela nociva, præsertim a Lithargyrio tanquam veneno pernicioso manus abstinere, unde quondam in nonnullis Monasteriis, plures in Colicam saturninam, ex eaque in miseram vitæ calamitatem, imo mortem denique præmaturam inciderunt. *

39. Qui a puero citra vini usum, aquæ tantum potioni adsueverunt, hi salva & incolumi sanitate, imo cum virium robore, suum ævum consumere, interdum quoque prosperam longævitatē attingere solent, tantum abest, ut necesse habeant, hydroposiam cum oinoposia permutandi. Qui vero a teneris vini consuetudinem contraxerunt, his in prandio & coena moderata ejus portio convenit, unà cum aquæ auctario, sicubi palatum siticulosius majorem humidi co-

B c

piam

* Colica antehac in his ædibus familiaris, luculenta extat historia in Actis Helveticis physico-med. Vol. V. p. 249. 4. Basl. 1762.

piam requirat. In epularum intervallis, a cibo & potu ferriari præstat, ne scil. stomachi concoctio interpelletur, quæ longiori spatîo commodius absolvi-
tur. Aut si qua data causa exceptio intercedat, hanc minus frequentem esse juvabit.

40. CEREVISIÆ nomine venit liquor nutritius, ex semine cereali Hordei, vel Tritici, macerato, germinante, dein cum aqua cocto, & fermentationi commisso, paratus, palato haud ingratus, corpori humectando, siti leniendæ, viribus reficiendis, & alendæ substantiæ idoneus, nec insalubris, si bonæ notæ fuerit, ac tempestivo usu veniat; in multis regionibus, ubi vinum & aqua fontana deficit, usitatissimus. A fermentatione spirituosam facultatem concipit, ac vini instar caput inebriat, si liberalius hauriatur. Quoad coloris, saporis, tenuitatis gratiam, itemque vires & effectus, pro ratione hordei, aquæ, aëris, loci, præparationis, nec non ætatis, multum discriminis habet. Adjecto Lupuli condimento, sapidior ac durabilior redditur. Valde recens, a crassitie, viscositate & feculentia, stomachum gravat, flatus gignit, tormina intestinorum creat, sæpe etiam stranguriam movet: longius servata, ac melius depurata, tanto levior, ac fluidior, naturæ magis amica, & veletudini magis proficua esse solet.

41. Liquores ardentes, ut Spiritus vini, cera-
forum, frumenti, &c. simplices & compositi, vel etiam saccharo dulcorati & aromatizati, ut elixiria varia, palato blandientia, nares odore subtili, lin-
guam

guam sapore fervido afficiunt, nervos potenter stimulant, animum erigunt, caput feriunt, sanguinem movent, vires ad tempus concitant, ideoque inter cardiaca calida numerantur, quæ in spirituum penuria, & virium languore frigido, efficaciam præstant; sed usu quotidiano, aut frequenti, nedum abusu largo, corpus incendunt, nervos, stomachum, & viscera in recessu infirmant, humores inspissant, coagulant, appetentiam cibi dejiciunt, concoctionem depravant, denique morbis acutis, vel chronicis fores aperiunt, ac ferius ocyus motum vitam pessumdant.

42. INFUSUM foliorum THEÆ orientalis, potus est apud Indos maxime familiaris, inter delicias quotidianas, & prope instar Panacæe usitatus; quem Europæi, exoticorum percupidi, jam pridem in suos quoque usus trahunt, utinam minus in abusu luxuriantes. Hic potus calide haustus, a parte aquæ vires habet humectandi, diluendi, leniendi, laxandi, lubricandi, attenuandi, sitim sedandi, perspirationem augendi, urinam movendi: a parte foliorum, vim subtilem subaromaticam, subadstringentem, colorem subviridem, subflavum, odorem blandum, & saporem jucundum sui generis aromaticum: a Saccharo, gratia dulcedinis, & facultas lenis mucilaginosæ, abstergens accedit. Moderato ac tempestivo usu, haud insalubris est potus, & in vario morborum casu præstans medicamentum, in catarrhis, gravedine, coryza, raucedine, tussi, cephalalgia, nephritide, arthritide, podagra, &c. sed abusu quotidiano, stomachum & viscera nimis relaxat,

laxat, nervosum genus hebetat, humores justo plus diluit, vires extenuat, valetudinem infirmat.

43. Alius potus exoticus est, qui ex baccis Coffeæ paratur, arboris indigenæ felicis Arabiæ, nunc etiam in regno Japoniæ, & in variis Americæ insulis cultæ, quæ baccæ oleo subtili & fragranti divites, tostæ & in pulverem comminutæ, dein cum aqua coctæ, liquorem exhibent fuscum, odoris suaveolentis, & saporis jucundi, qui saccharo dulcoratus, adeo fascinavit mortalium animos, ut ejus usu voluptario capti, vix amplius sine tam delitioso nectare, vivere queant, licet nec instinctus naturæ, nec ulla necessitas, talem potum requirat, sed merâ curiositas, & palati libido, multijugæ calamitatis mater. Sano homini, & bene valenti, longe satius foret, ab ista forbillatione Coffeæ, magis medicamentosa, quam alimentari, prorsus abstinere, quam supervacue voluptati se mancipare. Qui vero ejus usui jam adsuevit, prudenti moderatione opus habet, ni valetudinis detrimentum sibi contrahere velit. A prandio inter sanitatem potu Coffeæ se ingurgitare, magis nocet, quam prodest, nisi longa consuetudo intercedat. Post cœnam Coffea somnum arcet: abusu multo systema nervosum hebetat, viscerum actionem enervat, vires labefactat, membrorum tremorem, corporis maciem, cachexiam, &c. post se trahit. Temperies frigida, mucosa, iners, hoc genus potionis facilius fert, quam calida, sanguinea, cholericæ. In vario ægritudinis casu, ut spirituum torpore, capitis somnolentia, virium languore, animi mœrore, &c. medicamenti

dicamenti loco esse potest: adjecto lacte, alendo etiam corpori conferre solet.

44. Cum perversi mores sæculi, juxta necessaria vitæ præsidia, NICOTIANÆ usum quoque familiarem reddiderint, vix illum inter præcepta diætetica silentio præterire fas est. Ecquis, obsecro, malus genius incolas telluris adeo fascinavit, ut folia stirpis Americanæ virulentæ, siccata, & comminuta, fistulæ immissa accenderent, eorumque fumum ore haurirent, imo deliciarum loco haberent, præsertim experimento apud novitios & insuetos, tam gravi ac difficili, ut prima tentamina capiti, stomacho, pectori, imo toti systemati nervoso, ac viscerali, cumulas turbas, anxietates prope intolerabiles, vertiginem, cephalalgiam, nauseam, vomitum, diarrhœam, lipothymiam, &c. concitare soleant. Sane qui natura duce, valetudini suæ consulere cupit, omnino ejus fumi usum & consuetudinem vitabit, aut saltem parcius adhibebit, ne scilicet fontes salivales intempestive siccando, concoctionis vires infirmet, sibi que damnum accersat. Quid autem fumigatio ista valeat, in vario morborum casu, & quo pacto in auxilium trahi queat? ex Medicina practica discendum venit.

45. Perinde optandum esset, pulverem errhinum ex foliis NICOTIANÆ paratum, nunquam orbi terrarum innotuisse, aut semel inventum nonnisi medicaminis loco, ad nonnullos affectus morbosos, aut saltem in secunda valetudine, longe parcius usu venire. Siquidem ejus abusu & luxuria, nares siccantur,

cantur, nervi olfactorii stupefiunt, sternutamenta in-
tempeſtiva moventur, quin etiam delapſu ejus in
fauces, uvulæ, tonſillis, epiglottidi, gulæ, tracheæ,
moleſtia creatur, unde multis aſperitas earum parti-
um, raucedo, tuſſicula, dyſpnœa, aliquando & nau-
ſea, ac vomituritio conſequitur. Ut taceam, ho-
mines prava ejus conſuetudine, quaſi mancipia na-
rium fieri, vix unquam deinceps liberandi.

SOMNUS & VIGILIA.

- „ Si ubi membra quies heſterno fracta labore
- „ Reſtituit, ſubito teneris te ſurripe plumis.
- „ Tantum de vita, quantum dormitur, abibit.
- „ Nam gelidæ nihil eſt ſomnus niſi mortis imago.

-
- „ Ordo placet Muſis, & amant alterna Camœnæ.
 - „ Somnus amat vacuas a ſollicitudine mentes,
 - „ Si delectari ſomno, viresque lucrari
 - „ Inde cupis, ſera meditari deſine nocte.

HEBENSTREIT, *Carm.*
P. III. C.7.

46. Secundum naturæ leges, homo totius vitæ
curſu, vigiliæ ſomnique vices reciprocare ſolet, ac
nemo omnium alterno illorum præſidio carere poteſt.
Inter vigilandum ſenſus omnium organorum, cum
facultate motoria muſculorum, & membrorum, in
perpetua activitate verſatur. Unde cerebrum, cum
toto ſyſtemate nervoſo, & muſculoſo, & viſcerali,
neceſſario effectū ſenſim hebetatur, ſicque vires vi-
tales, & animales, pro ratione diſpendii ſpirituum,
exte-

extenuantur, nonnisi beneficio & efficacia Somni mirifica, reparandæ. Proinde in gratiam tuendæ sanitatis, necesse est, in vigilando modum fervare, nec ultra vigiles curas extendere, quam naturæ vires ferendo sint pares. Quocirca Litterati, diu noctuque nimium quantum studiis & animi contentione se macerantes, eheu! suum corpus imbecillum, & præsertim calamitoso malo obnoxium reddunt, quod *hypochondriacum* appellatur, crux & opprobrium medicorum.

47. Somni necessitatem nemo non agnoscit, ejusque suavitatem & efficaciam quotidie mortales experiuntur. Unde poëta inter res omnium dulcissimas somnum extollit:

„ Tale tuum carmen nobis, divine poëta,
 „ Quale sopor fessis in gramine, quale per æstum,
 „ Dulcis aquæ saliente sitim restinguere rivo.

VIRG. *Ecl.* V. 45.

Scilicet somno tempestivo animus recreatur, spiritus reficiuntur, vires renovantur, organorum vigor, omnesque actiones instaurantur, sicque totus homo veluti ab imagine mortis reviviscit.

48 Tempus opportunum dormiendi natura ostendit, quando scil. organa vitalia, & animalia, per vigiliam, motum & laborem fatigata languescunt, suæque sponte in soporem propensa dormituriunt: noctu præsertim, nisi aliud climatis, vitæ generis, consuetudinis, aut necessitatis ratio postulaverit. A
 prandio

prandio vigilare, quam dormire, salubrius est, nisi ætas, consuetudo, aut valetudinis conditio, vel aliæ circumstantiæ peculiæres, exceptionem faciant, quæ salvis legibus sanitatis aliquando locum habere potest.

49. Modum quoque seu mensuram somni genuinus naturæ sensus apprime docet, nisi desidiæ culpa intercedat. Quippe tam diu dormire satis est, donec jactura spirituum reparata, homo sponte evigilando, pristinum animi, corporisque robur, cerebri, nervorum, & muscutorum vigorem, agendi-que promptitudinem & alacritatem recuperaverit. Homini sano & adulto, plerumque sex ad octo horas intra nyctemeron sufficiunt: senes paucioribus acquiescunt: pueri longiore somno indigent: adhuc magis infantes nativitati propiores. Regula sanitatis est, vitare ignaviam, & somnum immodicum, ceu qui animi hebetudinem, sensuum stuporem, solidorum laxitatem, fluidorum lentorem, coctionis, circulationis, secretionis, & excretionis inertiam, adeoque cruditates, stagnationes, obstructions, & hinc ilias malorum creare potest.

MOTUS & QUIES.

„ Quod caret alterna requie, durabile non est,
 „ Hæc reparat vires, fessaque membra levat.

OVID. *Heroid. Epist.* II. 89.

„ Motibus alternis alternam junge quietem,
 „ Inque vicem vigila, vel somno lumina claude.

„ Ad



„ Ad faciles motus nos excitat ipsa natura.

„ Immos artus res publica corporis odit,

„ Atque malas infert vecors ignavia noxas.

HEBENSTREIT, *Carmin.*

P. III. C. 7.

§0. Ad motum corporis assiduum, sponte natura hominem ferri, exemplo infantum & puerorum abunde innotescit, quibus agitatio fere perpetua usu venit, adeo quidem, ut vix unquam, nisi tempore somni, quietem interponant. Porro in frequenti, & quotidiano corporis motu, & exercitio, magnum vitæ & sanitatis præsidium esse positum, ipsa rerum magistra experientia testatur, dum qui mortalium vitam actuosam, & laboriosam agunt, præ ceteris inertibus magis otio, aut sedentariæ vitæ addictis, robustiores corporis vires, & magis firmam ac prosperam valetudinem experiuntur. Ex CELSI placito:

„ Ignavia corpus hebetat, labor firmat, illa maturam senectutem, hic longam adolescentiam reddit. (i).

§1. Motu nempe, & exercitatione corporis, systema nervorum, vasorum, viscerum, & musculorum valide concitatur, fluxus liquidorum per vasa acceleratur, respiratio, concoctio, circulatio invalescunt, secretiones & excretiones naturales promoventur, totaque œconomia vitalis, & animalis invigoratur. Inde agricolæ, opifices, milites, athletæ, eximio

C

corporis

(i) *De Med. L. I. C. I.*

corporis robore, & læta plerumque fanitate pollent: urbani vero homines, aulici, literati, sedentarii, magis imbecillo, & valetudinario corpore esse solent. Aurea est fanitatis regula, quam tradit HIPPOCRATES:

„ Vesci citra satietatem, & impigrum esse ad laborem.

§2. Motiones autem corporis & gradu, & genere, & effectu discrepant. Pro remissiore, vel intensiore illarum gradu, etiam effectus sunt proportionales. Cæterum aliæ totum corpus motu communi exercent, velut gestatio, vectio, equitatio, navigatio, &c. aliæ motu proprio corpus agitant, ut ambulatio, cursus, natatio, venatio, &c. aliæ vero seorsim has illas partes corporis movent, ut clara lectio, recitatio, cantus, oratio, tubarum inflatio, cum prærogativa exercent organa vocis, & loquelæ, unà cum musculis diaphragmatis, & abdominis, & visceribus contentis. Sic opificia varia, & exercitationes diversæ, manus, vel pedes, vel alia corporis membra, plura simul, vel pauciora, varia ratione exercendo fatigant. Recitationes & cantus sacri in Monasteriis usu recepti, duplici nomine salubritati conferunt, tum altiore ac velociore respiratione, pulmones & cor, necnon stomachum ac viscera reliqua imo etiam cerebrum, & nervosum genus integrum alacriter concitando, tum animo spiritualem lætitiā ac voluptatem conciliando.

§3. Optabile igitur Religiosis tuendæ fanitatis præsidium

fidium fuerit, satis frequenti corporis exercitatione defungi, suisque studiis in museo, & officiis sacris in templo peragendis, sæpe quandam animi recreationem interponere, in aperto cœlo, si serenum & tranquillum fuerit, sin secus, in porticu, vel ipsis ædibus. Quale autem liberalis exercitii genus sit eligendum, aut præferendum? an lusus globorum missilium ex ligno majorum? an minorum ex ebore baculo trusilium in plano mensali? an cylindrorum truncatorum ex ferro projectilium? an disci jaciendi ad metam? an ferræ lignis secandis aptæ? an opificii cujusdam jucundi? V. V. Superiorum placito definiendum relinquere, fas est.

54. En aliquot regulas diæteticas, circa motum & exercitationem corporis observandas:

- „ I. Exercitatio semper antecedere cibum debet.
- „ CELSUS *de Med. L. I. C. 2.*
- „ II. Exercitationis plerumque finis esse debet sudor, aut certe lassitudo, quæ citra fatigationem sit. *Ibid.*
- „ III. Neque ex nimio labore, subitum ocium: neque ex nimio ocio, subitus labor, sine gravi noxa est. *Ibid.*
- „ IV. Si quibus de causis futura inedia est, omnis labor vitandus. *Ibid.*
- „ V. Ad sanitatem maxime proficius est motus, usque ad ortum levis sudoris, vel incipientis lassitudinis sensum, post coctionis initia, cum sensu levitatis. BOERHAAVE *Instit. Med. §. 819.*



VI. A motu & exercitatione, corpore adhuc æstuante, non protinus ad cibum festinare: neque potu frigido se ingurgitare: neque subito corpus nudare: neque perflatui aëris se exponere: & si quis sudore madescat, vel tecto corpore requiescere, vel nonnisi caute frigus vitando, indusium mutare.

§§. Sed a motu & labore, secundum certas naturæ leges, inevitabilis virium jactura, vel dispendium sequitur. Ergo alterna quiete opus est, ceu necessario ad vires redintegrandas præsidio. Hujus enim ope, organa sensus, & motus, a tensione jugi fatigata, denuo relaxantur, animus cum corpore quiescit, impetus fluidorum circulantium remittitur, liquidi vitalis, & animalis penuria reparatur, vigor & aptitudo ad pristinos motus & functiones renovatur. Inter motum vero & laborem æqua proportio esse debet, ne alterutrum excessu, vel defectu suo, valetudini damnum pariat.

- „ Motibus egregiis requies respondeat æqua.
- „ Ut prægressorum contentio magna laborum
- „ Exhaust vires, & languida corpora flaccet,
- „ Sic quoque grata quies fessos demulceat artus.
- „ Intentos nimium nervos quandoque relaxa,
- „ Et post insignes operas feriare parumper.

HEBENSTREIT, *Carmin.*

P. III. C. 7.

- „ Corpora mollescent neglecto flaccida motu,
- „ Debilis hinc vitæ virtus, & inertia cordis;
- „ Inde

- „ Inde liquor spissus, durique fœcordia ventris,
 „ Mentis hebetudo, durum jecur, invius humor;
 „ Ast nimio motus corpus quoque deterit usu;
 „ Fibra riget, vires pereunt, absumitur humor,
 „ Pingue perit, sanguisque bonus mutatur in acrem.

IDEM *Carmin.* P. II. C. 3.

EXCRETIONES.

- „ Ut valeas, quos corporibus decedere fas est,
 „ Non retine, sed nec vitales disjice succos.

-
- „ Discite Mortales naturæ legibus uti,
 „ Atque salutiferos istos cognoscite motus,
 „ Queis, vario fluxu variorum causa malorum
 „ Abripitur, liquidumque fugit de corpore discors.
 „ Sponte sua, si quos amittunt organa, succi,
 „ Ordine procedant naturæ legibus æquo,
 „ Consueti nunquam turbentur in ordine fluxus.

HEBENSTREIT, *Carmin.*

P. III. C. 6.

§6. Alimenta ingesta non ex toto in substantiam corporis nostri converti possunt, igitur quæ supersunt a coctione partes non assimilabiles, ad nutriendum ineptæ, ex naturæ instituto, tempestivam sui excretionem requirunt, ne scil. mole, vel qualitate aliena, vel corruptela sui, corpori damno sint. Porro quæ sola copia redundant, vel motu perenni vitali in putredinem vergunt, absque valetudinis detrimento retineri nequeunt. Quin etiam boni quidam humores, in certos naturæ usus, fecerni &



excerni debent, quorum retentio nocitura foret. Proinde generalis usus excretionum est, supervacui egestionem, & noxii subductionem, corpus levare ac depurare, boni autem, & naturæ congrui retentionem, vitæ & sanitatis integritatem conservare. Ergo secretionis & excretionis opus, insigne est conservationis naturæ instrumentum. Ergo magna sanitatis tuendæ regula, excretionem ita curare, ut secundum consuetas naturæ leges procedant.

57. Quælibet excretio singularis, ad suos usus proprios determinatur, omnes autem ad conservationem totius mirifice conspirant. In quo numero longe maximi ponderis est perspiratio insensibilis, græce ἀδελⓈ διαπνοή, cujus ope scilicet, ex toto corporis ambitu, totaque pulmonum area interna, jugiter incredibilis copia halitus, seu vaporis, plerumque invisibilis exhalat, tam ingestorum copiarum, & qualitati, quam circulationis vitalis efficaciarum, ex æquo respondens, verumtamen pro diversitate causarum adjuvantium, vel impredientium, variata. Cujus excretionis necessitatem, ac dignitatem, a posteriori abunde patefacit ilias malorum, ex ejus turbatione, vel sufflamine oriundum, & contra valetudinis læta integritas, dum illa, cæteris paribus, secundum salubres naturæ leges rite procedit; prout celebris Auctor Italus luculentis experimentis staticis palam fecit. Eo auctore, perspiratio insensibilis sola, solet esse longe plenior, quam omnes sensibiles simul sumptæ. Et, si cibus & potus unius diei, sit ponderis octo librarum, transpiratio insensibilis ascendere solet ad quinque libras circitet. Hyeme,
uno

uno die naturali, ad 50. uncias, & ultra exhalare potest, perspiratione invisibili. Impedita perspiratione, diebus seqq. vel succedet uberior perspiratio, vel aliqua evacuatio sensibilis plenior, vel cachexiæ vestigium, vel febris. (k)

58. Perspirationi favet animi serenitas & hilaritas, aëris calor moderatus, vestitus idoneus, cubiculum temperatum, motus corporis commodus, potus aquæ, vini, cerevisiæ jucundus, cibi euchymi, & eupepti usus tempestivus, somnus & vigilia alterna. Eandem uberius movent foci, cubiculi, lecti calor auctus, motus, labor, exercitatio intensior, prohibitiones calidæ, & aquosa calida omnia: frictiones, lotiones, fomenta calida, pediluvia, balnea, embrocationes, vaporationses similes. Minuunt causæ quævis oppositæ: Animi tristitia, mœror, metus, terror, &c. aër frigidus, humidus, umbrosus, nocturnus, pluviosus, ventosus, procellosus: aëris perflatus: nudatio corporis intempestiva: potio frigida æstuante corpore hausta: lotio frigida intempestiva: manuum & pedum refrigeratio insolita: ambulatio super pavementum lapideum, terram humectam: cubatio in gramine, loco frigido, humido, &c.

59. En aliquot regulas sanitatis circa perspirationem observatu salubres:

I. Perspirationem corporis liberam curæ habere, & causas illam turbantes, præsertim subitaneas, vitare.

C 4

II. Quo

(k) SANCTORIUS SANCTORII *de Statica Medicina Sect. I.*
Lugd. Bat. 1703.

- II. Quotidiana lotionē frigida, vel tepida, manuum & faciei, capitis pectinatione, interdum & pediluvio, cutis superficiem mundare, & meatus perspirationi apertos fervare.
- III. Corpore ex motu, labore, calore externo, æstuante, vel sudante, nudationem illius subitam, potionem, lotionem frigidam, aut perflatum aëris, cane pejus & angue vitare.
- IV. Suscepta forte frigoris injuria, foco accenso, cubiculo, lecto, frictione moderate calida, vel etiam sorbitione calida, vel infuso foliorum Theæ, vel modico hydroëni haustu, vel etiam pediluvio tepido, perspirationi subvenire.
- V. Si forte incidat uberior perspiratio, vel sudor; tum factum humidi dispendium, sorbitione juris calida, vel infusi Theæ, vel hydroëni egelida, refarcire.
- VI. Cum Religiosis ex Ordinis instituto usu veniat, circa μεσονύκτιον, & sub auroram, surgere, & in templo sacris officiis operam navare, valetudinis tuendæ ratio postulat, non nisi bene vestito corpore prodire, præsertim hyberno tempore, aëris inclementia regnante. Tum etiam juvabit fores ædium sacrarum claudas fervare, aërisque gelidi perflatum arcere.

60. Alvina excretionē, primæ coctionis recrementa, omnesque ventriculi ac intestinorum fordes, providâ naturæ lege sua sponte subducuntur, in eoque sanus homo nulla indiget ope medicata. Quod si vero ex data causa, molesta alvi segnities oritur, satis erit, diæteticis præfidiis illam expedire,
ut

ut sunt potus aquæ tepidæ, feri lactis, hydrogalæ, lactis deflorati, ebutyrati, mulsi: cibi aquosi, mollientes, lubricantes, blande stimulantés; Ex oleribus spinachia, beta, brassica, atriplex, turiones lupuli: ex fructibus horæis uvæ maturæ, ficus, cerasa, pruna, persica, armeniaca, poma, passulæ, &c. Item oleum recens olivarum, amygdalarum dulce, butyrum, mel, &c. Quæ si minus sufficiant, suppositoria ex butyro, sapone, melle spissato, globulis saccharatis, oleo lubricis; vel enemata aquosa, oleosa, lactea, mellita, &c. juvabunt. Ad interna purgantia medicamenta, nonnisi urgente necessitate confugiendum erit. Purgationes vernales & autumnales vulgo usitatæ, in statu prosperæ valetudinis supervacue sunt: nisi semel contracta consuetudo aliter suadeat.

61. Secretione lotii in renibus, ejusdemque per vias urinarias excretionem, sanguis a superante aquosi elementi copia, nec non a moleculis salinis, oleosis, terreis, sua quantitate, vel qualitate nocituris, salutarî naturæ beneficio depuratur, & in debita sua crassi conservatur. Cujus proin turbatio, vel interceptio, in damnum vitæ, & valetudinis redundare solet. Unde regula sanitatis jubet, instinctui naturæ suæ conservatrici obsecundare, neque ex verecundia intempestiva, aliave causa, justo longius lotium retinere. Cæterum ex fonte diætetico urinam cient potio aquæ fontanæ, frigidæ, simplicis, vel mineralis acidulæ, vini albi dilutioris, feri lactis, &c. cibi aquosi, frigidi, subacidi: ex oleribus, apium, petroselinum, chærefolium: valentiùs, lepidium, na-

sturtium, cepa, allium, porrum, rapa, raphanus hortensis, & rusticanus, &c.

62. Inter haud ignobiles succos corporis saliva haberi meretur, quam fontes glandulosi, ex arterioso carotidum sanguine jugiter secernunt, suisque emissariis in cavitatem oris eructant, quæ proin cibo inter masticandum commista, subinde etiam per se deglutita, liquoris solventis efficaciam præstat, atque in concoctionis stomachicæ emolumentum cedit. Mucosum blandum humorem aliæ glandulæ passim in tela membranosa sparsæ, unà cum tonsillis fundunt, qui totam superficiem oris interni, linguæ, palati, faucium, epiglottidis, laryngis, trachæ, gulæ, tegit, lubricat, mollit, defendit, perinde ut membrana narium Schneideriana, ex pari fontis genere, undiquaque in similes usus, leni muco scatet. Unde intelligitur, in statu sanitatis, salivam & mucum oris & narium, nisi redundet, salubrius retineri, quam citra necessitatem excreari, aut emungi. Et, si quæ alterutrius abundantia, aut vitiosa qualitas, sui rejectionem exigit, hanc ita moderari, ne in pravam consuetudinem degeneret. Dein si a somno, quædam in ore, & faucibus viscositas nascatur, eam collutione cum aqua, vel hydroëno, vel oxycrato, vel melicrato, emendare. Item, si nares nimium muci colligant, eum modeste emungere, vel tenaciorem, aqua, lacte tepido eluere.

63. Non-

63. Nonnullis Religioforum adultæ ætatis, ut aliis passim mortalibus, sanguine forsan cumulado, interdum vasa hæmorrhoidalia, interna vel externa, turgescunt, ac nonnumquam sua sponte dehiscendo, aliquantum cruoris per alvum eructare solent. Idque per intervalla temporis, vaga vel periodica, longiora vel breviora, quibusdam menstruatim per aliquot dies successivos, parcius vel uberius, non sine valetudinis emolumento contingere notum est. Plerumque ex internis arteriis, aut venis hæmorrhoidalibus, intra rectum intestinum apertis, cruor fertur; rarius vasa externa tumida sanguinem stillant. Cum nisu hæmorrhoidali vulgo fit aliqua in ventre turbatio, cui succedens eruptio finem facit, elapso quodam termino, & sanguine rursus aggesto, forte reditura. Interdum aliqua torsio intestinorum ac dolor infimæ lumborum regionis, cum alvi fluxu antecedit, quæ *Diarrhæa hæmorrhoidalis* dici meretur. Aliàs quoque loco cruoris, nonnisi materia mucosa, spissa, albicans, cum ardore, pruritu, ac tenesmo alvi dejicitur, *Hæmorrhoides albas* vocant. Dysenteriam vero a Fluxu hæmorrhoidali discernit, tormina ventris graviora, tenesmus, seu desidendi cupiditas frequentissima, valdeque laboriosa, dejectiones mucosæ, biliosæ, cruentæ, purulentæ, magis morbosæ, nec non actiones vitæ magis turbatæ; ad hoc Dysenteria est soboles fervidæ ætatis, vel autumnii, vel constitutionis singularis epidemiæ; Hæmorrhoides autem cujuslibet fere sunt temporis, nec speciem adeo morbosam præ se ferunt. Iste fluxus hæmorrhoidalis si moderatus est, pro beneficio naturæ sui conservatricis haberi meretur,

quo

quo scilicet corpus onere supervacuo liberatur, & plethoræ noeumenta alioqui metuenda, arcentur. Ab ejus autem retentione, suppressione, & perversa medicatione, gravia valetudinis damna oriuntur, ægre sanabilia, nisi fluxus hæmorrhoidalis in tempore renovetur, sc. plethora, cacochymia, colica, pathemata spasmodica, hypochondriaca, melancholica, &c.

64. Adjuvatur fluxus hæmorrhoidum, diætâ salubri, animi serenitate, potu aquoso, modice vinoso, cibus humectantibus, lubricantibus, mollientibus: oleo olivarum, vel amygdalarum recenti: butyro recenti & melle: pediluvio moderate calido, balneo vaporis, semicupio: clysmate molliente: motu & exercitatione corporis moderata: missione sanguinis in pede: cucurbitulis cum scarificatione ad femora, crura, pedes: hirudinibus ano applicatis: Item usu tempestivo aquarum mineralium interno, & externo: vel feri lactis simplicis, aut medicati. Turbatur autem, vel reprimitur causis contrariis, animi perturbatione, terrore, metu, tristitia, cura & sollicitudine multa: vitâ nimis sedentariâ: victu inspissante: frigore pedibus suscepto: nudatione corporis intempestiva: medicatione perversa, adstringente.

En regulas aliquot salutares:

I. Naturæ sui conservatrici optimæ obtemperare: & si quando fluxum hæmorrhoidalem molliatur cum euphoria, neutiquam reluctari.

II. Si quæ causæ (65) in mora sunt, eas e medio tollere.

III. Si

III. Si naturæ molimina languescunt, aut fluxus forte retrocedit, eundem lotionē alvina molliente, vel balneo vaporis, aliove præsidio (65) promovere.

IV. Si moderate sanguis prodeat, naturam sibi relinquere, nihilque turbare. Sin aliquando modum excedat, tum quiete animi & corporis, abstinētia a vino, victu parciore, temperante, leniente, demulcente, modice inspissante, vel etiam usu Julapii, aut Emulsionis cujusdam refrigerantis, sibi consulere.

65. *Sanguinem mittere* non tam ad secundæ, quam adversæ valetudinis præsidia referri meretur, quia sano corpore nihil superat, nec redundat, adeoque nulla humoris detractiōe opus est. Potius ex CELSI præcepto: „cavendum est, ne in secunda „valetudine adversæ præsidia consumantur (1)“. Verumtamen multis mortalium utcumque sanis usu venit, semel aut bis quotannis, venam secare, sive quod ad prophylaxin diæteticam id prodesse, sive quod aliorum exemplo sibi faciendum arbitrantur. Idemque in Monasteriis passim fere usu receptum est, vere & autumno sanguinis aliquam ventilationem celebrare. De qua proin aliquid hîc monere, non alienum videtur.

66. Quod si secundum almæ Naturæ leges res æstimetur, nullo negotio patebit, præter necessitatem ac temere sanguinem mitti, quoad valetudo
corporis

(1) *De Med. L. I. C. I.*

corporis prorsus salva & incolumis est, cœu in quo statu nihil omnino deficit, nec redundat, nec peccat, adeoque omnis mutatio supervacua est. Unde consequitur, eum, qui bene ac prospere valet, tuto omni venæsectione supersedere posse, nisi jam contracta multorum annorum consuetudo aliter suadeat, cui scilicet velut alteri naturæ obtemperandum fuerit.

67. Si quis autem inter victum fatis lautum, vitamque magis sedentariam, quam motu exercitatum, & perspirationem forte deficientem, justo majorem humorum copiam colligat, quæ tandem excessu suo valetudini detrimentum aliquod portendere videatur, huic utique tempestiva sanguinis detractio salutarem effectum promittere potest. Copiam vero cruoris mittendi, ratio ætatis, staturæ, plenitudinis, & virium definire debet. Vulgo adultis, & robustis uncias octo, decem emittere fatis est. Nimis parca subductio scopum minus attingit, justo autem largior vires vitales infringit.

68. Ante phlebotomiam juvat forbitione calida nutriente, vel tantillo vini boni haustu vires robore, omnem animi metum deponere, ac blando corporis motu, vel etiam frictione, aut lotione membri moderate calida, sanguinis cursum accelerare. Detracto autem cruore, cîtra somnum requiescere, ac elapso demum horulæ spatio ad frugale prandium accedere. Cibi vel potionis copia tum stomachum onerare, naturæ legibus non est consentaneum. Verum a severiore studio & cura per unum alterumve diem feriari, & honesta animi oblectatione

lectatione & recreatione defungi, salutarem auxilii
successum oppido secundare valet.

69. Sed vulgò etiam *Catharsis*, seu *alvi purgatio*,
semel aut bis per annum usu venit; De qua idem
monitum, quod de Venæsectione valet. Si quidem
in statu prosperæ valetudinis nihil est vitii, quod
vel correctionem, vel subductionem requirat, per
definitionem sanitatis, quæ omnium functionum
integritatem, cum legitima dispositione solidorum &
fluidorum ponit. Ergo citra controversiam, homi-
ni sano & bene valenti, nulla opus est purgatione;
quin imo quodlibet pharmacum sano ventriculo &
visceribus plus minus infestum esse solet. Tunc de-
mum aliquis exceptioni locus erit, si quis jam pri-
dem talem purgationem in usu habuerit; in quo ca-
su per consuetudinem licebit, quod aliàs omittere
fatis foret. Vulgò receptum est, venæ sectionem
purgationi postponere, uno alterove die interposito.
Nihil tamen impedit, quo minus vice versa, de-
tracto sanguine postliminio *Catharsis* subjungatur.
Hanc vero nequaquam valido, acri, resinoso phar-
maco moliri oportet, sed blando tantum, quod mi-
nus œconomiam animale perturbare queat. Cui
proin scopo *Aqua Sedlic. Bohem.* ℞ j. *cum semuncia*
salis ejusdem; vel *haustus laxativus* N°. 29. vel *Pulvis*
Rhabarbarinus N°. 25. aut aliis similis abunde satis
erit.

70. Inter diætetica præsidia potiori jure referen-
da videtur *Lotio calida*, seu *Balneum*, cujus apud
veteres Romanos, & Græcos, sive tuendæ, sive
etiam

etiam recuperandæ sanitatis causâ, prope quotidianus & vulgaris usus erat; cui porro *Frictionem*, & *Unctionem* interponere solebant. Lotione autem calidâ, non modo superficies corporis abluitur, & a sordibus abstergetur, verum solida quæque madescunt, mollescunt, laxantur, fluida vero diluuntur, tenuantur, solvuntur, rarescunt; pori & vascula cutanea, nec non pneumonica, aperiuntur, dilatantur, circulatio sanguinis acceleratur, motus a centro ad circumferentiam augetur; ipsaque perspiratio ad sudorem usque promovetur: quin etiam organa sensuum acuuntur, vires musculares refocillantur, somnus juvatur, appetentia ciborum excitatur, nutritio corporis secundatur, & incrementum. Usus proinde tempestivum, ac moderatum balnei calentis, tuendæ sanitatis gratia cum salubri effectu adhiberi, experientia popularis etiam nostræ ætatis, fidem facit. Aliàs variis morbis præsertim a perspiratione repressâ oriundis, opem sæpenumero præstare solet, si modo in ratione utendi, & regimine congruo regulæ salubritatis diligenter observentur.

71. Nec tamen minoris est efficaciz, & salubritatis *Lotio frigida*, imo forte scopo sanitatis tuendæ, & corroborandæ, balneo calenti anteferenda; cui etiam in morborum curatione insignes vires deberi, gravissimi Authores experimentorum pondere testantur. *

Aqua

* Vid. Joh. G. Hahn Unterricht von Kraft und Wirkung des frischen Wassers in die Leiber der Menschen, besonders der Kranken. Breslau und Leipzig 1749. 12°. Sect. II. Cap. 1. 2. 3. 4. &c. Item Floyeri Psychrolusia. Lond. 1702. 8°.

Aqua frigida corpori applicata, habitum valde constringit, fibras roborat, vascula & emissaria coarctat, nervosum & musculosum Systema mirifice confortat, humores vero condensat, a peripheria ad centrum repellit, non sine magno efficaciam augmento, si natationis molimina accedant. Sane Lotionem frigidam tempestivam systemati toti vitali, & naturali, & animali, roboratas addere vires, & quantum roboris organis motoriiis, tantum & valetudini prosperae commodum praestare, alma mater experientia fidem facit. Itaque si in propinquo aliqujus Monasterii, fluvius, aut rivus, aut lacus, aut piscina major quaedam munda praesto sit, in gratiam tuendae valetudinis, & roborandi corporis, juvabit, per aestatem hebdomadatim, favente coelo, semel aut bis, ad vesperam trihorio, vel bihorio ante coenam, frigido balneo ad semihorae spatium se oblectare, dein corpore absterso & siccato, super lectulum tecto eodem tantundem requiescere, postea vero coena liberali refocillatum, consueta hora ad quietem & somnum se componere. In defectu aquarum copiae ad balneum idoneae, non incongruum fuerit, lotionem frigidam vesperi in cubiculo substituere, videlicet nudatum corpus a capite ad calcem, spongia majore molli, ex aqua fontana, vel pluviali, vel puteali, l. fluviatili, madida diligenter per horae quadrantem lavando, dein abstersum & siccatum, aliquantisper quieti super lectum tradendo; quod si balneo immersionis non aequipolleat, viribus tamen ad salutem non carebit.



P A R S II.
THERAPEUTICA,
DE
VALETUDINE ADVERSA
CURANDA.



INCOLÆ orbis terrarum, præter alias causas, etiam pro vario vitæ genere, aliis atque aliis morbis obnoxii esse solent. Nimirum opifices, agricolæ, milites, nautæ, fossiores, chemici, tinctorum, literati, &c. singulares experiuntur affectus, ad suum genus relativos. Sic quoque Religiosi regulares, nonnullas patiuntur ægrotudines sibi familiares, quarum potiores aliquas hic enarrare, earumque originem & causam, indolem ac naturam, notas & præfagia, nec non medendi rationem, breviter exponere lubet.

*Hortor, ut arceffas Medicum tibi, corpore sano,
Prandiaque & cœnas dirigat ille tuas.*

Dirigat

*Dirigat & festis convivium longa diebus,
Atque intemperias & tua vina regat.*

HEERKENS, POEM. p. 26.

ANOREXIA.

72. Nonnumquam præter solitum, cibi appetentia deficit, vel nunc levius, imminuto saltem ejus desiderio, nunc impenfius, prostrata magis edendi cupiditate, vel etiam fastidio, & aversione conjuncta. In quovis morbo graviore, præsertim acuto, febrili, appetitus ciborum protinus elanguescit, non sine mira Naturæ providentia, ne scilicet alimento ingesto malum ingravescat, sed potius abstinencia tempestiva pabulum illi subtrahatur. Aliàs autem stomachi imbecillitas, salivæ, & liquoris gastrici penuria, vel inertia, vel depravatio; mucus & pituita, vel alia cruditas in ipso collecta, desiderium cibi infringere, vel intercipere solet; quibus causis animi cura & sollicitudo, studiorum contentio, motus muscularis deficiens, & vita cubicularis sedentaria, interdum occasionem sufficiunt. *Anorexia* levioris causæ, vulgo haud difficulter superatur, & hac ablata mox appetentia cibi, vel sponte natura, vel exigua medela reviviscit. Quæ alios morbos instar symptomatis comitatur, his demum sanatis, pristino ciborum appetitui locum cedit. Quæ demum ex pertinaciori causa longius durat, dispendium nutritionis, & hinc corporis extenuationem, viriumque jacturam post se trahit.

73. Ex contemplatione causarum, consilium &
D 2
ratio

ratio medendi ineunda venit. Ergo, si febris, ali-
ve morbus, acutus, vel chronicus, fastidium cibi
alat, ad morbum primum debellandum, omnis
medela adhibenda erit, quæ si bene succedat, ap-
petitus ex voto redintegrabitur. Si Dyspeptia cul-
pam habeat, huic auxilia quadrabunt §. 76. propo-
sita. Si ex intemperantia gulæ cruditas contracta,
huic medebitur §. 78.

Si actio stomachi debilior, salivæ & liquoris ga-
strici defectus, vel inertia, appetitui officiant, huic
vitio ejusque causis consulendum erit. Quo scopo
valebit animi relaxatio, & oblectamentum, corporis
motus & exercitatio, rusticatio in loco salubri &
amœno, victus modicus ex cibis euechylis, & eu-
peptis, stomacho amicis, potus aquæ fontanæ fri-
gidæ, optimæ, simplicis; quæ sola interdum, vino
omisso, per aliquod tempus haulta, cibi desiderium
resuscitare solet. Quin etiam frigida ex fonte salu-
bri, mane liberaliter pota, sed potentius adhuc a-
quæ soteriæ minerales, cum debito moderamine &
regimine aliquamdiu in usum vocatæ, anorexiæ abi-
gendæ, & renovandæ appetentiæ, vel etiam plus
solito acuendæ, conducere queunt. Ex fonte au-
tem pharmaceutico, huic Anorexiæ generi opitulan-
tur oppidò, medicamenta stomachica, amara, robo-
rantia, tonica; velut *Elixir Stomachicum viscerale*
Hoffm. Elench. Medicam. N^o. 4. ad duas Drachmas,
vel semunciam pro dosi, mane ac vesperti semihora
ante pastum, cum aquæ font. vehiculo, ad plures
dies sumendum. Vel *Essentia Corticum Aurant.* vel
Zedoariæ, Gentianæ, Absinthii, mane & vesp. ad gut-
tas XXXX. s. plures, cum pari vehiculo. Nec
contem-

contemnendus est pulvis euporistus ex *foliis Cardui bened.* cum quadruplo sacchari mistus, & quotidie bis ad drachmam semis, vel ultra, cum vehiculo sumendus. Valentioris efficacix habetur *Cortex Peruvianus electissimus*, si ejus uncia recens pulverisata, cum *Vini generosi* libra una infundatur, hujusque turbati, una cum pulveris substantia, quotidie semel, aut bis aliquamdiu ante pastum, uncia semis, vel integra propinetur.

DYSPEPSIA.

Digerit hic melius carnes, olera alter, & alter

Non olera aut carnes, sed melimela cupit.

Nec melimela cupit, sed pisces ille, sed illos.

O gula quis mores quis tua regna canat!

Ille fugit pisces: Fastidia nostis Erasmi . . .

Non potuit stomachi vertere jura sui.

In pisces libros, operosa volumina scripsit,

Qualia Pellæo dicta fuere Duci.

Mitius & Verrem Cicero, quam pignora Rheni,

Squammigeros hostes, mitis Erasmus agit.

Scilicet horrorem natura inseverat illi,

Qualem aliis alium, ludere læta, dedit.

Vestphalus ut sagas quæ nocte bovia mulgent,

Vestphalus ut pernix noxia spectra pavet:

Utque Atrei infelix frater, cum viscere nati

Gustaret, mensâ fugit, & obstupuit!

Sic leporum fugit ille dapes, si alter odorem

Quem facit accensis Caffea nota fabis.

Cafeus huic horror, qui si foret omnibus horror,

Morborum minus hîc, & minus esset opum.

HEERKENS POEM. p. 21.

74. Vitium deficientis, aut læsæ concoctionis ciborum. Ejus notæ sunt, appetitus remissior, ructus frequens, gravitas præcordiorum a pastu, flatulentia multa, ventris tensio molesta, fœcesalvi minus compactæ, urina pallida, cruda, virium debilitas, cita lassitudo, &c. Ex CELSI placito stomachum infirmum indicant, pallor, macies, præcordiorum dolor, nausea, & nolentium vomitus; in jejuno dolor capitis. (m) Propius in causa est, stomachi & viscerum chylicantium debilitas, salivæ, liquoris gastrici, bilis, succi pancreatici, penuria, vel inertia, vel qualitas vitiata. Antecedunt ingluvies, vinolentia, cibi copia, vel tenacitate, vel infueta qualitate, inimica molesti, animi pathemata, metus & tristitia, curæ graves, solitudo assidua, intensiora litterarum studia, lucubrationes immodicæ, motus corporis deficiens, cruditas ex epulis contracta, &c. Præterea morbi varii, præsentés vel prægressi, universales, vel particulares, actionem ventriculi turbare, & concoctionem ciborum plus minus lædere solent. Quæ recens, & levioris est causæ, tanti non est, ut malum aliquod gravius portendat, sed ope Diætæ, & medelæ congruæ, facile sanescit. Sin autem ex graviore causa radices agat, ad morbos chronicos, cacochymiam, cachexiam, hypochondriasin, arthritidem, nephritidem, hydropem, &c. viam pandit, nisi fausta curatio intercedat. Quæ alterius morbi est soboles, etiam hoc sublato fugam parat.

75. Ut

(m) *De Med. L. I. C. 8.*

75. Ut diversæ autem causæ, sic etiam remedia sunt. Diæta opus est quibuslibet causis oppositâ, ac talibus auxiliis, quæ vires viscerum, & liquorum digestivas, chylicantes, & sanguificantes emendare, & corroborare queant. Ad quem scopum juvabit animi apatheia & tranquillitas, recreatio & oblectatio jucunda, studiorum relaxatio, lucubrationis intermissio; confortium amicabile; dein corporis quotidiana exercitatio honesta, potius ante, quam post pastum, præsidium ad roborandam viscerum actionem longe præstantissimum; victus parcior, euchylus & eupeptus, ab ingluvie alienus; potio vini veteris optimi modica, vel etiam aquæ fontanæ chalybeatæ, aut leviter aromatizatæ pauxillo *flavulinis corticum recentium Citri*; vel *Cinamomi acuti*, vel *seminis Anisi, Feniculi*; Quæ sola victus ratio satis diu continuata, etiam absque aliis remediis, vitium Coctionis languidæ debellare valet. „ Ex CELSI „ consilio, si quis stomacho laborat, legere clare „ debet, post lectionem ambulare, tum pila, vel „ armis, aliove quo genere, quo superior pars mo- „ vetur, exerceri. (n) “ Quod si solum auxilium diætetikum vincendæ Dyspepsiæ non sufficiat, consideranda est singularis in dato subjecto causa, eique tollendæ idonea medicamenta adhibenda. Si debilior tonus ventriculi præcipue sit in culpa, a stomachicis, roborantibus, amaris, aromaticis opportuna curatio speranda erit, uti §. 74. eoque nomine proderit quoque usus tempestivus *Vini enulati* N^o. 6. vel *Essentiæ Absinthii compos. offic.* N^o. 21.

D 4

mane

(n) *De Med. L. I. C. 8.*

mane ac vesp. ad guttas XXXX. cum vehiculo aquoso; vel infusum *pomi Aurantii amari* decussatim ad medium incisi, cum *Vini vet. opt. ℥ijj.* & *sacchari unciiis tribus*, ante singulos pastus, ad unciam unam; vel Infusum *Radici Gentianæ* ad unciam I. pari ratione; vel *Pulvis stomachicus* N^o. 18. nisi malis anteferre *Corticem Peruvianum*, uti supra §. 74. aut insuper ipsi adjicere *Limaturæ ferri subtil.* unciam semis in petia ligatam. Extrinsecus ipsi stomacho, si lubet, imponatur *Emplastrum stomachicum offic.* vel *Epithema* calidum ex *crusta panis tosta*, vino generoso, irrigata, & pulvere *Nuc. mosch. cinam. Zingib.* conspersa; vel *Balsamum* ex *Ung. pomat. uncia semis*, cum *Balsami Peruv. ver. & ol. Nucist. expr. aa drachma I.* Si cruditas ex epulis, aut aliunde contracta, pituitosa, biliosa, acida, coctionem lædat, huic vitio eadem medebitur Curatio, uti inferius §. 78. Ubi alius quicumque morbus concoctionem stomachi turbat, vel obtundit, ab illius curatione, hujus quoque emendatio expectabitur: Qui ex aliquo morbo gravi convalescunt, plerumque ad residuam viscerum debilitatem, aliquamdiu adhuc Dyspepsia laborant, licet forte supra modum famelici, nimium cibi concupiscant, quibus utique fræno opus est, ac moderatione, & stomachico roborante quodam remedio, ne ex cruditate prioris mali recidivam, aut novam ægritudinem incurrant.

CRUDITAS.

76. Vitium stomachi, quum alimenta ingesta, ob virium digerentium inertiam, non recte subiguntur, sed

sed spontanea mutatione in saburram pravam degenerant. Ejus notæ sunt, languor & molestia post cibum, inflatio, ructus vel acidi, vel nidorosi, pro varietate ingestorum, oris insuavitas, capitis gravitas, interdum nausea & vomituro, alvi turbatio, urina decolor, &c.

Nascitur ex intemperantia gulæ, si justo major cibi, vel potus copia ingurgitatur; aut si major est alimenti viscositas, & tenacitas, quam viscera ferendo sint. Eo magis, ubi stomachus a natura est imbecillior; aut ex animi fatigatione, studiorum intemperie, vita otiosa & sedentaria, debilitatus.

77. Medendi scopus est, mali causis consulere, & vitiosam colluviem in tempore subducere. Opportuna hic est abstinencia, pabulum cruditati subtrahendo, dum interea spontaneo naturæ medicatricis molimine, cruditas sursum, vel deorsum expellitur. Ad cujus imitationem, nisi spontanea vacuatio sufficiat, ubi oris amarities, nausea, caput vertiginosum, præcordiorum gravitas, salivatio frequens, diathesin ad vomitum præ se ferant, juvabit fauces stimulando, vel haustu largo *aque fontane simplicis tepide*, vel *mulsæ*, vel *Hydralei*, vomitum concitare. Aut si hac ratione effectus non sequatur, pro emetico *radicis Ipecacuanhæ* idoneam dosin adhibere. Sin autem nulla ad vomitionem adsit proclivitas, & naturæ conatus ad inferiorem potius viam vergat, satius erit alvum *lotione molliente*, N^o. 22. 23. semel iterumque per intervalla subluere; aut *potione laxativa* N^o. 24. vel pulvere *Rhabarbari* N^o. 25. primas vias moderate purgare. A purga-

tione temperantia colenda, totaque victus ratio institutuenda, quæ causis sit opposita. Et si residua stomachi debilitas superesse videatur, usus roborantium proderit, sicut in casu §. 74. 76.

Si post assumpta glutinosa, ructus insipidi, inflatio multa, inappetentia, anxietas a pastu, nausea, capitis gravitas, &c. pituitosæ cruditatis indicium præbeant, huic præter victum attenuantem, ex fonte officinali mederi possunt antiglutinosa, *Vinum emulatum* N^o. 6. *Elixir Propriet. dulc.* mane ac vesp. ad guttas XL. cum aquæ vehiculo; vel *Infusum amarum* N^o. 26. m. & v. ad uncias quatuor; vel *Pulvis stomach.* N^o. 18. ad drachmam I. semel aut bis quotidie. Si post ingesta acida, vel acescentia, stupor dentium, ructus acidi, dejectiones acidum spirantes, appetitus auctior, urina pallida, cruda, pallor faciei, acidam cacochyliam prodant, antacida ex usu erunt, *Pulvis absorbens.* N^o. 15. m. ac v. ad 3ß. per se, vel cum aquoso vehiculo, cui pulveri commode tantillum *Nucis mosch.* adjicitur. Si vero ex iracundia, & animi impetu prægresso, oris amaritie, ructu acri, amarulento, ventriculi dolore, siti, siccitate, &c. biliosa cruditas adeste intelligatur, idoneus erit usus *Liquoris terræ fol. Tartari*, cum *Tinct. Rhabarb. aquosa*, N^o. 27. m. ac vesp. ad drachmam unam, s. duas, cum aquoso vehiculo; vel *Decocti Cichoracei* N^o. 28. ad uncias IV. VI. mane ac vesperi.

PLETHORA.

78. Sanguinis boni abundantia cum valetudinis incom-

commodo, pluribus notis innotescit, ut sunt facies rubicunda, venæ turgidæ, capitis torpor, calor plurimus, appetentia cibi ingens, pulsus plenus, magnus, membrorum gravitas, cita lassitudo, facilis sudor, a motu spirandi difficultas, vel & palpitation cordis, somnolentia multa, proclivitas ad hæmorrhagiam, &c. post causas prægressas sanguinem accumulantes, & excretiones solito parciores; eo magis, si viscera chylopœa, & hæmotopœa sunt valida.

Plethoram gignunt, Diathesis nativa ad hunc affectum prona, animi euthymia, & apatheia, appetitus ciborum immodicus, victus lautior, alimenta valentiora, polytrophæ, liberalius sumpta, organa coctionis robusta, vita otiosa, sedentaria, somnus plenior, perspiratio ad ingesta parcior, evacuationes aliæ solito minores, hæmorrhagia consueta, vel hæmorrhoidum fluxus intercepta, venæsectionis, aut scarificationis aliàs solitæ intermissio.

Plenitudo recens, maturo consilio, & abstinencia ab ingluvie, omnibusque causis mali primitivis, haud difficulter curationem admittit, addendo pro re nata, missionem sanguinis, & alvi ductionem moderatam. Veterascens autem fœcunda mater est aliorum morborum, qui vel acuti, vel chronici, citius vel tardius inde scaturiunt, dolores, inflammationes, febres, spasmi, hæmorrhagiæ, hæmoptylis, vomitus cruentus, mictus cruentus, fluxus hæmorrhoidum immodicus, colica hæmorrhoidalis, hæmorrhoides cœcæ, affectus soporosi, arthritis, podagra, nephritis, malum hypochondriacum, &c.

qui

qui ne superveniant, principiis obstare oportet, ne ferò medicina paretur.

79. Ad Therapiam opus est, causas tollere, copiam humorum minuere, & victus rationem, & medicamenta ad eum finem congrua, adhibere. Itaque juvabit animum excitare, & exercere; sæpe aërem & locum mutare; victu tenui & oligotropho uti, eligendo alimenta infirmiora & minus nutritia, ex vegetabili magis, quam animali regno; potu aquæ simplicis, vel decocto blando, seu *Ptisana* N^o. 10. acquiescere; aut vini blandi valde diluti; cœnam omittere, aut valde restringere, numquam diu epulis accumbere; & magni HIPPOCRATIS regulam auream servare: *Vesci citra satietatem, & impigrum esse ad laborem*; somno breviori frui; corpus motu & labore quotidiano diligenter exercere; dare operam, ut perspiratio, alvi & urinæ excretio, pro ratione ingestorum satis respondeant; si sponte natura sanguis e naribus, aut ex hæmorrhoidali via erumpat, eum nequaquam reprimere, sed beneficii loco habere, alvum iteratis sæpe clysteribus subluere; Ceterum quo citius plenitudo sanescat, protinus e re erit, ex brachio, vel pede, sanguinis uncias \bar{x} . plus minus subtrahere, vel etiam, si urgeant symptomata, missionem postridie iterare; aut si quid venæsectioni obftet, cucurbitulas nuchæ, dorso, & brachiis, aut etiam artubus inferioribus, numero septem, vel plures applicare. Deinde *Potione laxativa Tamarindinata* N^o. 29. alvum ducere. Posteaque in plures hebdomadas, mane ac vesperi *decocti Tamarindinati* N^o. 30. libram semis, vel uncias \bar{x} . haurire; aut
mane

mane ac vesp̄ri sumere drachmam I. *Cremoris Tartari*, cum aquæ fontanæ unc. VI. Superato præfenti malo, ad prophylaxin convenit, præter diætā extenuantem, quolibet trimestri, nisi spontanea cruoris vacuatio intercedat, venam secare, vel scarificationes iterare, præmissa vel subjuncta *Potione laxativa*, modo indicata. Vere ac autumnō post usum venæsectionis, per aliquot dies successivos alvus ducatur, singulis mane propinando haustum *apozematis laxativi* N^o. 31. vel *Aquæ Bohemicæ sedlicensis* Hb. tepefactam, cum *salis sedlic. uncia dimidia*, nisi aqua sola ad scopum sufficiat. Postea vero per mensem integrum mane ac vesp̄ri sumantur *seri lactis simpl.* libræ duæ, vel ejusdem *Tamarindinati* N^o. 32. libra I. subcalide. Cui ad majorem efficaciam quotidie drachmam unam *Cremoris Tartari* interponere licebit. Æstivo tempore usus Acidularum prodesse potest, per aliquot hebdomadas, quotidie mane ad copiam largiorem, nec tamen excessivam, si modo Victus temperantia, cum selectu idoneo ciborum minus valentium, observetur. Ceterum quoad missionem sanguinis tenendum est, ejus nimiam frequentiam, vel copiam, damno esse, siquidem hoc ipso natura quantum ejus detractiōni adsuescit, tantum celeriori cruoris regenerationi, ipsique adeo plenitudini, magis opportuna redditur.

HEMORRHOIDUM DIFFICULTAS.

80. Interdum Naturæ molimina, ob sanguinis redundantiam, ad fluxum hæmorrhoidalem tendunt, sed absque eruptionis successu; vnde spasmodica oriuntur

tur symptomata, sæpe admodum dolorifica, ardor intestini recti, cum tenesmo, seu frequenti & molesta desidendi cupiditate, dolor in regione ossis sacri, torsiones ventris intestinales, cardialgia, dolor ischiadicus, nausea, vomitus, stranguria, horripilatio, &c. quandoque muci cruenti vestigia quædam in dejectione.

Huic molestiæ causam præbet, sanguinis abundantis forte nimia spissitudo, vel tenacitas, & vasorum hæmorrhoidalium resistantia major, scybala in alvo cumulata, vis circulationis remissior, &c.

Si tandem inter dolorificos nîsus vasa dehiscunt, cum aliqua cruoris egestione, malum protinus levatur, ac si vacuatio paulo plenior fuerit, pro tempore æger convalescit, donec interpolito temporis intervallo, nova accessio recurrat. Sin autem irrita sint molimina, nihilque prodeat cruoris, spasmodici dolores, seu intestinorum, seu aliarum partium, pertinacius affligunt, nisi idonea medela opem ferat.

81. Medendi scopus est, sanguinis copiam minuire, spissitudinem diluendo tenuare, meatum intestinale[m] mollire, lubricare, subluere, spasmos lenire, sedare. Quo facit animi corporisque quies, abstinentia, cibi pauciores, lenes, mollientes, diluentes, potus aquosus leniens; venæsectio in alterutro pede ad uncias decem, plus minus; vel cucurbitulæ cum scarificatione, femoribus, cruribus, pedibus applicandæ; alviductio cum *haustu laxativo mannato* N°. 33. Deinde *Tinctura aquosa florum malva* N°. 34. vel *Emulsio temperans* N°. 35. vel
etiam

etiam *Serum Lactis simplex*, mane ac vesperi ad ℥j. II. Præterea *clysteres aquosi, lactei, oleosi, blandi*, indies bis terve pro re nata iterandi. *Vapor aquæ bullientis; vel Lactis, vel Decocti emollientis Altheæ, chamom. Malva, Verbasci*, ad anum in fella perforata admissus; vel *Semicupium emolliens, simile*.

HÆMORRHOIDES COECÆ.

82. Sæpenumero vasa hæmorrhoidalia, interna vel externa, sanguine congesto, stagnante, turgent, ac dolent, nec tamen aperiuntur, quas vulgo *Cæcas hæmorrhoides* appellant. Nunc intra rectum intestinum, propius ab exitu, vel paulo remotius, nunc extra circa ambitum orificii oriuntur, sub specie unius, vel plurium tuberculorum, cerasi forte mole & figura, minore vel majore, modo absque dolore, aut modico saltem pruritu, modo cum inflammatione, & acerbo cruciatu, præsertim in alvi dejectione infestantes. Comitatur hoc malum tenesmus, seu frequens & dolorificus desidendi conatus, aliquando & dolor lumborum, aut ventris torsiones, stranguria, aliaque symptomata.

Natales ducit hoc vitium a Plethora, euchyma vel cacochema, alvi segnitie, scybalis coacervatis, lentore ac spissitudine humorum, spasmis, ad hunc locum congestoriis, fessione multa, vectione aut equitatione longa, diatesi nephritica, podagrica. In leviori casu, toties ejusmodi tubercula sponte natura resolvuntur & evanescunt. Quandoque sanguinis eruptione quadam secuta dissipantur. Interdum aliquod tuberculum gravius inflammatum pus colligit,

colligit, & maturatum ulceratur, in euchymis sanabile; sed in cacochymis aliquando fistulosam labem post se trahens.

83. Ad scopum medendi, opus est vasa tumentia mollire, laxare, deplere, sanguinem diluere, attenuare, solvere, dolores lenire, inflammationem, si adsit, resolvere, aut si ad suppurationem vergat, maturare. Igitur ratio victus adhibeatur causis opposita; æger animo & corpore quietem fervet, abstineat a vino, & omnibus calefacientibus; utatur potu Aquæ simplicis fontanæ, vel tantillo *Syrupi Violarum* dulcoratæ, vel *Decocti hordeati*, *passulati*, leviter *citrati*; victu parco, leni, molliente, temperante, humectante; sorbitione blanda ex carne vitulina, cremore hordei, oryzæ; oleribus, *Spinachia*, *Lactuca*, *Endivia*, *Acetosa hort.* *fructibus horæis*, *pomis*, *prunis*, *passulis*, coctis, &c.

Alvus solvatur protinus *Clystere molliente, lubricante* N°. 22. 23. post horas 12. repetendo. Mittatur sanguis e brachio ad uncias decem, plus minus; aut si vasa hæmorrhoidalia in margine ani fatis nuda appareant, mollia & turgida, ope lanceolæ caute aperiantur; vel applicatis hirudinibus aliquot depleantur. Ad alvum lubricandam, molliendam, & dolores leniendos, præter clysteres, proderit *olei amygd. dulc.* & *Syrupi de Alth.* ana uncias duas miscere, & quovis trihorio unciam fumere. Vel si alvus non satis respondeat, *haustu mannato* N°. 33. illam expedire. Porro ad leniendum valebit *Tinctura flor. Malvæ hortens. nigr. aquosa* N°. 34. quolibet trihorio ad uncias tres. Aut *Emulsio temperans* N°. 35.

Si

Si longius malum duret, usus *Seri lactis simplicis*, vel *Tamarindinati*, vel *Seri lactis dulcis Hoffm.* mane ac vesp. ad lib. I. vel tantundem *Aquæ selteranæ*, vel miscela utriusque æquali portione conveniet.

Si dolores urgeant, enematis mollientibus & demulcentibus insistendum, ut N^o. 35. vel demulcens N^o. 36. vel anodynum N^o. 37. Quandoque olei rec. puri Oliv. f. *Lini*, f. *Papav. alb. uncias tres* tepide in alvum dare prodest. Aliàs molliendis, ac mulcendis tuberculis, tepide illinitur oleum rec. Oliv. *Lini*, *Papav. albi*, *Malvæ*, *Momordicæ*, *Verbasci*, *Lil. alb.* vel *Butyrum rec. non salitum* cum vitello ovi mixtum; vel *Ungt. anodynum*, de *Linaria*; vel *Mucilago sem. Lini*, *Cydon. rad. Alth.* adjecto vitello ovi; aut fots paratur cum *Vesica vitulina*, aqua, lacte, oleo Oliv. subsemplena, & calide ano imposita; vel ex lacte, aqua simpl. vel decocto paregorico ex *Althea*, *Malva*, florib. *Papav. rh. Chamom. Verbasci, Sambuci, Meliloti*, cum aqua & lacte, cui spongia mollis, vel tela lanea immersa, & expressa, calide superdatur, renovando alternis horis, vel quoties refrixerit. Tentare etiam licet balneum vaporosum, ex eodem decocto, vel saltem ex aqua & lacte bulliente, in sella perforata, ad partem affectam adhibendum.

Si tubercula pertinacius inflammata in suppurationem tendant, *pepticiis unguentis*, vel *cataplasmatibus* maturanda veniunt, & tempestive aperienda, & depuranda, ne pus retentum, in tunica cellulosa cuniculos agat.

HÆMORRHOIDES ALBÆ.

84. Cum moliminibus hæmorrhoidalibus, torsione quadam ventris intestinali, dolore lumborum, pruritu, vel ardore ani, ac frequenti cupiditate defidendi, interdum dejectio feri, mucique spissioris succedit, absque cruoris miscela, nisi forte exiguis aliquando striis interjectis, quas *hæmorrhoides albas*, seu *mucosas* vocare solent. Nonnunquam alvi fluxus antecedit, vel comitatur hunc casum, cui nomen *Diarrhææ hæmorrhoidalis* imponere licet. Ex arteriis hæmorrhoidalibus internis, per anastomosin in cavum intestini recti provenire materia mucosa videtur, quâ via magis patefacta aliàs ipse cruor hæmorrhoidalis eructari solet. An minor sanguinis copia? aut ejus spissitudo major? aut impulsus remissior in ista vasa? facit, ut retento in vasis cruore, nonnisi serum mucosum excernatur? Conjecturam probabilem reddit, ipse fluxus cruentus interdum pedissequus.

Fluxus hic sibi relictus, plerumque sua sponte intra pauciores vel plures dies terminatur, ipsique sola abstinentia, & moderatior victus blandus, molli; vel pauciora saltem remedia lenientia demulcentia sufficiunt. Reprimentia quævis intempestiva sunt, & graviolem noxam minantur.

85. Hic fluxus perinde, ac hæmorrhoidum fluxus cruentus, vacationis, aut depurationis naturæ salutaris loco haberi meretur, ideoque medela non indiget, si modum non excedit, sed tuto sibi relinqui potest. Sufficit animi & corporis quiete, temperato

perato calore, & victu modico leniente, blando, molliente, sibi consulere. Quod si acrior tenemus, ventris major turbatio, lumborum dolores, inappetentia, somnus interceptus, horripilatio, &c. dyscrasiam & acrimoniam humorum nimiam, ac irritationem intestinalem valentiores prodant, ad mendendi scopum, juvabit præter abstinentiam ab acribus & stimulantibus, & lenientem cibum & potum, enemata demulcentia semel aut bis quotidie adhibere, ut N^o. 36. ac *Tinctura florum Malvæ aquosa* N^o. 34. vel *Emulsione temperante* N^o. 35. vel etiam usu *pulveris demulcentis* N^o. 38. subvenire.

HÆMORRHOIDUM FLUXUS NIMIUS.

86. Fluxus hæmorrhoidalis copia non est ad punctum determinata, sed pro ætate, temperamento, victu, regione, anni tempore, aliisque variantibus causis, inprimis pro vario plenitudinis, & sanguinis orgasmi gradu, multum differre solet. Ac proinde excessus ejus, non tam ex erumpentis cruoris modo, seu quantitate, quam ex consideratione habitus, victus, temperiei, consuetudinis, & virium, æstimari debet. Si præter solitum sanguis haud paullo abundantior fluit, cum notabili virium jactura, appetitus prostratione, & plurima œconomix vitalis & animalis læsione, tum demum immodica profusio dici meretur.

Opportunum huic malo corpus reddit, temperies sanguinea, cholericæ, animi pathemata gravia, plethora turgens, impetus febrilis, diathesis scorbutica, aër fervidus, intemperies gulæ, vina generosa,

liquores ardentes, cibi acres, aromatici, calefacientes, motus & exercitatio valentior, balnea calentia, medicamenta aloëtica, cathartica acriora, &c.

A profluvio hæmorrhoidali quantumvis largo, nihil est periculi, nisi plane omnem modum excedat, sui que excessus certas notas præ se ferat. Nam tum demum vitale liquidum exhauriendo, vitæ discrimen adferre, vel cachexiam, leucophlegmatiam, hydropem, tabem, &c. post se trahere potest.

87. Medendi scopus est, sanguinem a vasis hæmorrhoidalibus revellere, impetum circulationis temperare, acrimoniam lenire, & symptomata urgentia sedare. Quo faciunt auxilia diætetica & pharmaceutica, & chirurgica, causis & naturæ mali opposita: Animi & corporis summa quies; abstinentia a vino & omnibus spirituosus, & stimulantibus; victus pertenuis, leniens, refrigerans; potus *aqua fontan.* *Syrupo Papaveris errat.* nonnihil *dulcorata*, adjecto modico *nitri depur.* vel *Decocti ex hordeo & passulis min. mund.* pro cibo, pultes ex hordeo, oryza, avena decoct. ex lacte & ovis, poma, pyra, cerasa, pruna, &c. cocta. Nisi alvus satis expedita sit, juvabit eam subluere enematibus ex *aqua & lacte*, cum *vitello ovi*, & *oleo Lil. alb. Verbasci rec.* Si nondum enormis jactura sanguinis fuerit, pulsus adhuc bonus, nec vires nimium quantum exhaustæ, ad revulsionem proderit modica Venæsectio in brachio, ad paucas saltem uncias, aut cucurbitulæ cum scarificatione scapulis applicandæ. Orgasmi sanguinis temperabit, ejusque acrimoniam leniet *Emulsio refrigerans* N°. 39. cujus uncie duæ sumantur quolibet

quolibet bihorio. Vel *Julapium refrigerans* N^o. 40. cujus frequenti intervallo tres unciae hauriantur. Ad præcavendum mali recursus, confert juxta idoneam diætam, usus *Aquæ mineralis Selteranae* cum *Lactis asin. pari portione*, mane per plures hebdomadas ad *libram I. II.* tepide haurienda. In casu valde præcipiti ligatura artuum prudenter adhibita non aliena foret. Si a sanguinis dispendio algor extremorum, & animi defectio metum incutiat, *acetum rosaceum* naribus, temporibus, scrobiculo cordis, & manuum carpis admove, & *cardiaco temperato domestico* N^o. 41. viribus subvenire oportebit, cum ea cautela, ne nimis roborando profluvium sanguinis recrudescat.

CATARRHUS.

88. Pathemata catarrhalia, quibus nihil apud mortales est vulgatius, etiam Religiosis frequenter accidere solent. Humor aquosus, vel serosus & mucosus, copia redundans, vel etiam qualitate peccans, in membranam pituitariam, ejusque recessus longe lateque expansos, congeritur, ibique stagnando pro diversa sede affecta, multivaria symptomata creat, ut sunt cephalalgia, hemicrania, otalgia, odontalgia, ophthalmia, aurium gravitas, sonitus, susurrus, tinnitus, bombus, vertigo, sternutamenta, rauco, dyspnoea, tussis, nausea, vomitus, diarrhoea, febris, &c. Nimirum humor in sinibus pituitarius capitis collectus *Gravedinem*, in nares destillans, *Coryzam*, in fauces & laryngem depluens *Branchum*, in tracheam & bronchia, & pulmones delapsus, *Dyspnoeam* ac *Tussim* movet, idque nunc sine,

nunc cum febrili insultu comitante. „ Gravedo na-
 „ res claudit, vocem obtundit, tussim siccam movet;
 „ sub eadem vero falsa est saliva, sonant aures,
 „ venæ mouentur in capite; turbida urina est. Si in
 „ nares distillaverit, tenuis per has pituita profluit,
 „ caput leniter dolet, gravitas in eo sentitur, fre-
 „ quentia sternutamenta sunt. Si in fauces, has ex-
 „ asperat, tussiculam movet. Si in pulmonem, præ-
 „ ter sternutamenta & tussim, est etiam capitis gra-
 „ vitas, lassitudo, sitis, æstus, biliosa urina. (o)

Morbum facit feri aquosi, mucosi colluvies, in
 membranam pituitariam congesta, indeque per na-
 res, per os, per fauces, tracheam, vel & per gulam,
 ceu emunctoria sibi congrua, exitum quærens. Hu-
 moris qualitas blanda, mucosa, iners, vel acrior,
 salina, stimulantior, inter catarrhum frigidum, &
 calidum, discrimen facit. Antecedenter ad catarrhum
 disponunt temperies mucosa, phlegmatica; anni mu-
 tationes, cœli vicissitudo, aeris injuriæ, tempestas
 humida, frigida, procellosa, perflatus ædium, nu-
 datio corporis intempestiva, pedum refrigeratio, ve-
 stitus tenuior, stragula dormientis solito leviora, vi-
 ta sedentaria, otiosa, intemperantia gulæ, potio ni-
 mis frigida, præsertim corpore, ab itinere, a motu
 & labore, a fervore solis, a balneo, æstuante; ca-
 pitis occupatio assidua, studia litterarum intensa, lu-
 cubratio multa, &c.

Catarrhus humore constans seroso, mucoso, beni-
 gno, nihil periculi alit, ac sua sponte unius, vel alterius
 hebdomadæ spatio, nunc citius, nunc tardius sanescit.

Qui

(o) CELSUS de Medic. L. IV. C. 2. N°. 4. edit. Basil. 1748. p. 190.

Qui autem calidioris est indolis, a fero tenaciore, & simul acriore, gravius & pertinacius affligere solet. Gravedo sternutamentis, coryza narium stillicidio aquoso, tenui, vel excretionem spissioris muci, intra dies paucos, vel plures, aliquando serius finitur. Perinde Branchus, mediante secreta pituitoso. Catarrhus pectoris, sensim maturefcens, per tussim, sputo mucofo, pituitoso, plus minus glutinoso, parciore vel uberiore, plerumque intra paucas hebdomadas solvitur; nisi ætas provectior, virium imbecillitas, organorum atonia, humorum intemperies pejor, diætæ neglectus, aut perversa medela, malum contumacius reddant.

„Raucedines & Gravedines in valde senibus non coquuntur. HIP P. (p) Nisi morbus exhaustiatur, & diathesis humorum catarrhosa emendetur, in habituale vitium degenerare potest.

89. Ad medendum oportet 1) causas catarrhi primitivas tollere. 2) Colluviem feri stagnantis attenuare, & per viam naturæ commodam eliminare. 3) Symptomata urgentia lenire. 4) Diathesin mucosam corrigere, & regenerationem catarrhi præcavere. In abstinentia, quiete, victu tenui, blando, molli, & moderato calore, tantum est præsidii, ut sæpe hoc solo natura medicatrix sibi opem ferat. Prodest animo esse tranquillo, cubiculo uti subcalido, sicco, salubri; potione egelida, aquæ font. optimæ vel hydrogalæ, vel decocti *hordeati*, *avenacei*, vel *specierum* N^o. 10. dilutioris; pro cibo *sorbitione calida hordeacea*, *avenacea*, *carnea*, blanda, levi; vel

E 4 *cremore*

(p) APHOR. II. 40.

cremore hordei, avenæ, oryzæ; vel etiam *pomis optimis coctis*, saccharo adjecto; tum demum aliquid plenius addendo, cum se inclinare morbus incipiat. In principio vino abstinere satius est, in progressu jam mitescentis catarrhi, febre prorsus absente, aliquid vini potioni aquosæ admiscere, vel interponere licebit. Perspiratio curæ esse debet, quæ ut repressa sæpenumero catarrhum gignit, sic auctior sua sponte, vel arte reddita, ejus curationi proficere solet. Missione sanguinis vulgo haud opus est, nisi febris multa comes, aut intensus capitis dolor, vel anxietas, & spirandi gravior difficultas, aut violentior tussis, eam postulare videantur. Interea alvum liberam esse juvat, vel eandem *lotione molliente* N^o. 22. solvere; vel etiam *potione laxativa* N^o. 24. vel *Pilulis* N^o. 14. moderate subducere.

90. In *Gravedine & Coryza*, præter auxilia jam memorata (89), bene est, caput velare, & in moderato calore quietum tenere; vel etiam lintea mollia, *fumo Mastiches, Olibani, Myrrhæ, Succini, &c.* imbuta circumdare; Si quæ pars capitis impensius laborat, ipsi fomentum siccum, ex *furfure, flor. Chamom. Sambuci, Meliloti; Cheiri, &c.* adhibere; aut vesicam vitulinam *hydrogala* subsempnenam; aut spongiam mollem, aqua, vel lacte madidam, & expressam, calide imponere; aut vaporem similem tecto capiti subjicere, aut naribus aquam, lac, tepide interdum excipere; in dolore admodum urgente, *lacti capita papaveris albi*, cum *croco* incocta, nobile paregoricum præstant. In casu pertinaciori, *sinapismus*, aut *vesicatorium*, vertici, vel tempore.

temporibus, vel pone aures, vel in nucha, adhibere convenit.

91. BRANCHUS eadem desiderat auxilia (89). Sorbitiones in hoc casu optimæ parantur ex carne vitulina, cum incoctis *rapis*, vel *brassicâ capitata rubra*, adjecto interdum ovi vitello; vel ex *Decocto Furfurum* cum *Saccharo cando*, & ovi vitello. Sorbitionibus interponatur quolibet trihorio, *Infusum molliens*, *lubricans*, N°. 42. vel *Apozema* N°. 43. ac sæpe sæpius cochleare plenum sumatur, lente per gulam demittendum *Syrupi euporisti*, ex *succo raparum* & *saccharo* parati; vel *syrupi cum oleo* N°. 44. vel *Linctus* N°. 45. 46. Interea alternis horis calide colluantur os & fauces, cum *decocto hordei mellito*, vel cum *gargarismate molliente, lubricante, abstergente*, N°. 47. vel cum *Hydrogala simplici*, vel inspirando excipiat aliquoties per diem, *vapor aquæ*, vel *lactis*, vel *decocti emollientis* N°. 48. vel *oxycrati simplicis*. Externe ipsi gutturi superdari potest *Emplastrum de meliloto*, & *diachylon simplex*; vel *cataplasma molliens* N°. 49. vel eidem illiniri *oleum oliv. rec.* vel *Lil. alb. Chamom.*

92. In CATARRHO PECTORIS eadem ratio victus, & auxilia (89) conveniunt. Alternis horis fumantur aliquot uncix sorbitionis calidæ (89); vel *euporistæ anticatarrhalis* N°. 50. vel paretur alia ex carne vitulina, vel gallinacea, vel pulli cohortalis, cum incoctione *rad. raparum*, *dauci hort. Brassicæ*, *Charesfol.* frequenter pocillanda; alternis, si lubet, interponendo aliquot uncias *decocti pectoralis* N°. 12.

vel *Theæ compos.* N°. 11. Si Tussis urgeat, cum sputo minus obsequioso, proderit *Eclegma lubricans, beccicum*, N°. 45. 46. acuendum pro re nata additione *oxymelitis scill. unc. I.* vel *syrupus cum oleo* N°. 44. & *Eleosaccharum beccicum* N°. 51. Si catarrhus pertinacior in longum excurrat, iteranda est blanda alvi ductio, ut (89.) & in usum vocanda per aliquot hebdomadas, mane ac vesp. *jura medicata nasturcina* N°. 52. vel *Aqua mineralis selterana ad ℥j.* cum *Lactis vaccini, s. caprini*, vel, si haberi queat, *asinini* pari portione. Ore sæpius teneatur particula rad. rec. *Glycirrhyzæ*, vel *Pastæ de Alth.* vel *Sacchari Berolin.* vel *trochiscus beccicus alb.* vel *crocat.* Enemata interdum iterentur, per totum morbi cursum. Corpus sit bene tectum, præcipue pedes & pectus, cui tegmen molle, lineum, laneum, vel pelliceum injiciatur; alicujus momenti est inunctio calida, cum *Butyro rec.* vel *Unguento viridi, potab.* vel *Ungt. pector.* vel *dialth.* vel imposita vesica lacte, aqua, oleo subsempierna; vel *Cataplasma molliens* N°. 49. Etiam pediluvia tepida, mollientia, aquosa, lactea, saponacea, usum præstare queunt. Ad prophylaxin, malo feliciter superato, confert usus Diætæ anticatarrhalis, videli causis oppositæ; Item Laconici menstruatim repetendi, & æstivo tempore quam maxime, usus moderatus ac tempestivus thermarum mineralium, cum debito regimine, in potu & balneo; quocirca Medici periti ac prudentis consilio opus est.

RAUCEDO.

93. Raucitas vocem & loquelam obtundens, vel
suppri-

supprimens, plerumque catarrhi soboles est, ejusdem curationis cum Branchio (91). Interdum alias agnoscit causas, quæ organum laryngis infestando, ejus glabritiem exasperant, vel cartilaginum elatorem infringunt, aut nervorum & muscutorum vires debilitant, quo minus aër exspirando tremorem sonorum concipere queat. Sæpe originem dat raucitati inclementia cœli, aër fervidus, præsiccus, pulverulentus, ventus adversus frigidus, potio gelida intempestiva, corporis æstuantis subitum refrigerium, penuria potûs, & sitis protracta; vini generosi, aut liquorum ardentium abusus, cibi acres, saliti, aromatici, nimis calefacientes; oratio vehemens, longa, cantus & vociferatio intensior, inflatio fistularum, tubarum valida, frequens; motus & exercitatio corporis laboriosa nimis, &c. In raucitate acuta, intumescencia, inflammatio, spasmus partium laryngis, & vicinarum; In chronica, tumor glandularum, scirrhus, nervorum & muscutorum aliqua paralyxis subesse videtur. Pro diversitate causæ, & vitii genere, quo nervi, muscoli, membranæ, ligamenta, cartilagines, glandulæ laryngis laborant, raucitas levior aut gravior, brevior aut longior, magis aut minus sanabilis est. Nonnumquam radicato laryngis vitio, morbus chronicus, & maxime refractarius esse solet.

94. Ad medendi scopum, necesse est, causas primordiales tollere, & vitium Laryngis emendare, eamque suæ integritati restituere. Juvat in aère temperato se continere, a cantu & vociferatione, inflatione tubarum, motu & contentione corporis abstinere,

nere, vinum & spirituosæ & acriæ quæque omittēre; potare aquam egelidam bonæ notæ, tantillo *Syrupi Capillorum*, aut *Violarum*, edulcoratam; vel *decoctum leve hordei*, & *passularum minorum* cum paulillo *Liquiritiæ*; victu uti modico, blando, leni, humectante, lubricante, molliente; forbitione carnea vitulina, cum ovi vitello, vel jure hordeaceo, avenaceo, oryzaceo, farinaceo, lacteo saccharato; pulticulis ex vitello, vel albumine ovorum, cum cremore lactis & saccharo; ovisgallin. rec. forbilibus; pomis mitioribus coctis, & saccharatis, &c.

In principio, si plenitudinis, febris, inflammationis notæ adsint, sine mora sanguis mittendus ad uncias VIII. X. aut cucurbitulæ in cervice, pone aures, in dorso, defigendæ N°. VII. cum scarificatione. Et in tali casu, & in alio quoque; alvus solvatur *lotionibus iteratis*, *mollientibus* N°. 22. vel *potione laxativa* N°. 24. Porro quolibet trihorio sumatur *decoctum leniens*, *lubricans*, *molliens* N°. 43. vel *Infusum* ejusdem facultatis N°. 42. adjuncta in singulas doses Lactis parte tertia, & subinde interpolatur *Linctus* N°. 45. 46. aut *Julapium* N°. 53. Extrinsecus eadem valebunt remedia, ut (91). Si raucitas est diuturna & obstinata, æstivo tempore, vel etiam alio, opportunus erit usus aquarum mineralium moderatus, in potu & balneo, non sine accurato regimine diætæ; vel potatio *Lactis asinini puri*, vel cum *Aquæ selteranæ* pari portione commixti, mane ac vesp. ad libram I. II. vel *Seri lactis simplicis* tantumdem, aut *Tamarindinati* ad plures hebdomadas successivas.

FEBRIS CATARRHALIS BENIGNA.

95. Sæpenumero Catarrhus febrim comitem habet, quæ subit cum frigore & horrore, quem excipit æstus totius corporis, virium languor, membrorum lassitudo, inappetentia, nausea, sitis, capitis gravitas dolorifica, sensuum hebetudo, oris viscositas, vox subrauca, respiratio minus libera, pulsus naturali velocior, tussis in principio sicca, deinde maturescendo humida, cum sputo mucoso, pituitoso viscido, plus minus liberali; urina rubicunda, coloratior fertur; quandoque aures sonant, oculi rubent ac madent, vel etiam caligant; frequentia forte sternutamenta sunt, per intervalla intercedunt vagæ horripilationes, aut per aliquot dies sub vespere cum frigore novus insultus febrilis. Causas cum catarrho communes habet; feri forte major acrimonia febriles turbas ciet, quæ a simpliciore morbo absunt.

Hæc febris vulgo periculi expers est. Sæpe febris ephemeræ speciem præ se fert, quæ vel intra *νυκτέμερον*, vel pauciores dies, per viam transpirationis, aut emunctorium alvinum, & renale, nec non excretionem mucosam per nares, & scretu ac sputo crasso, pituitoso, suam crisin consequitur. Interdum ubi pertinacior est causa, inalteram hebdomadam, aut longius excurrit. Aliquando febre ex voto finita, tussis, aliaque pathemata catarrhalia remanent, non nisi paulatim sputo, seu expectoratione, & aliis excretionibus criticis finienda.

96. Ad sanationem, oportet (1) rationem victus
causis



causis oppositam inire. (2) Materiam morbificam emendare, coquere, & secundum molimina naturæ critica per emunctoria commoda eliminare. (3) Symptomata forte urgentia lenire. Prodest animi & corporis quies, aër salubris & temperatus, lectus molli, tepidus; potio aquæ font. simplex, egelida; vel *Decoctum hordei*, & Passul. min. vel *radic. Gramin.* pro cibo, *juscula blanda hordeacea, avenacea, carnea*, quolibet trihorio ad aliquot uncias calide sumenda; interponendo, si lubet, modicum de *porris coctis, saccharatis*, vel eorum, aut similium fructuum *gelatinam*, vel *condituram*. Alvus solvatur *enemate molliente* N^o. 22. Deinde post horas ab insultu frigoris 12. vel plures, impetu febrili nonnihil remittente, propinetur *haustus catarcticus mannatus* N^o. 33. subjungendo singulis horis jusculi calidi quantum lubet.

Ex fonte pharmaceutico juvabit *Decoctum diapnoicum & pectorale* N^o. 54. vel infusum N^o. 42. ad uncias IV. sexta quaque hora calide sorbillandum; Noctu autem *julapium temperans, ac leniens* N^o. 53. vel *Emulsio* N^o. 35. partitis vicibus sumenda. Si febre discussa, tussis supersit longior, eadem auxilia valebunt, quæ supra (§ 92.).

Si febris sit valida, magni calores, pulsus magnus, citatus, in principio aliquot horis a frigore prægresso, mittatur sanguis in brachio, vel pede, ad uncias VIII. X.

Ratio victus sola, absque aliis auxiliis, sæpenu-mero sanationis scopum attingit, dum natura medicatrix admirabili efficacia toties sibi ipsi sufficere solet.

MALUM

MALUM HYPOCHONDRIACUM.

97. Qui ab hypochondriis nomen habet Morbus, apud Litteratos tam frequens, non minus apud Religiosos est familiaris, adeo quidem, ut pauciores ejus effugiant calamitatem. Malum est valde polymorphon, velut congeries multorum pathematum, cui accuratius enarrandæ vix ulla sufficit facundia. Ita affectis nullus est querelarum finis, & nova indies ærumnæ scena, facies vel Protheo mutabilior. Animo sunt cogitabundi, subtristes, inquieti, sensibiles, meticulosi, solitudinis amantes; Vultus subpalescit, oculi languent, habitus est siccior, pulsus & respiratio lenta, actiones tardæ, sensus hebetes, memoria labilis, somnus inquietus, insomnia crebra, terriculosa; alvus segnis, urina varia, sæpe cruda, aquosa, pallida, interdum crassa, turbida, sedimentosa; appetitus ciborum modo vegetus, modo iners, nonnumquam immodicus; præcordia anxia, præsertim a pastu, cum aliquo interdum spirandi incommodo; in stomacho & intestinis regnat cruditas & flatulentia; ructus per gulam crebri, familiares, nunc insipidi, nunc acidi, vel nidorosi, præ ingestorum varietate, venter sæpe flatibus rugit ac murmurat; phlogoses a cibo in faciem aliquando aspirant; nec raro incurfant dolores capitis, alique spasmodici, anomali, variarum partium;

Morbo ingravescente, æger animo & corpore magis conflictatur, mentis tristitia urget, interdum citra causam lacrymæ stillant, ingens est pusillanimitas, & ex leviori quovis malo, cita abjectio & desperatio vitæ; in capite majores extant turbæ, ver-
tigo,

tigo, somnus turbulentus, imaginatio læsa, delirans, cum pertinacia aberrans; in primis viis uberior flatuum copia, & spasmodorum frequentia, quandoque cum nausea, & vomitu crudo; Nonnumquam incidunt repentinæ præcordiorum anxietates, cordis palpitationes, virium imbecillitas, extremorum algor, mortisque velut instantis metus. Tandem veterascente malo, altiusque radicato, totum systema viscerale abdominis, hepar, lien, pancreas, mesenterium, magis magisque vitiantur, omnesque humores ad summum degenerant, totaque œconomia animalis pessumdatur. Essentialis morbi causa, in generis nervosi debilitate, mobilitate, & sensibilitate præternaturali, & stomachi ac intestinorum actione turbata consistere videtur, quam SYDENHAMO, sub nomine *Ataxie spirituum* denotare placet. Originem præbere solent causæ procatacticæ, animi gravia pathemata, cura & sollicitudo anxia, desiderium vehemens rei non impetrabilis, contentio mentis valida, studia litterarum valde intenta, lectio, meditatio, lucubratio immodica, vigilia protracta, unde stamina cerebri, & nervorum, assidua agitatione infirmantur, cum spirituum dispendio, atque stomachus & viscera chylopojetica labefactata in sua functione perturbantur. Cui altera accedit causa, perinde valetudini inimica, scil. frequens solitudo, vitæque cubicularis & sedentaria, indeque deficiens motus muscularis, seu potentiæ motricis, ad actionis viscerum integritatem necessariæ. Affectus est chronicus, & contumacia nobilis, & ægrorum, & medicorum crux, & scandalum, omnem patientiam fatigans; nec tamen adeo periculosus, aut mortiferus,

rus, sed cum homine consenescens, nisi gravior causa intercedens vitæ terminum acceleret. In principio spes curationis affulget, si fons & origo mali mature profligetur; protinus ratione vivendi mutata. Sin causæ originales perseverent, ac morbus radices agat, vix ulli medelæ cedit. Si varices in cruribus oriuntur, aut fluxus hæmorrhoidum tempestivus, & liberalis superveniat, malum levare solet. Vulgo hypochondriacis usu venit, avide remedia concupiscere, & ingurgitare, at nisi prompte ex voto respondeant, mox iterum seponere, & cum aliis atque aliis indefinenter commutare; quo ipso morbus semper in deterius vergit, siquidem tanta varietas, & farrago medicamentorum, præsertim valentiorum purgantium, stomachum & viscera, cum toto genere nervoso, magis magisque labefactare solet.

98. Medendi scopus est, (1) causas primitivas tollere. (2) genus nervosum roborare. (3) actionem stomachi & intestinorum emendare. (4) symptomata levare. Quo fine plus proficere salubrem victus rationem, cum animi honesta recreatione, & quotidiano corporis motu, & exercitatione idonea, nec non usum tempestivum aquarum mineralium in potu & balneo, quam plaustra medicamentorum officinalium, alma experientia fidem facit.

Maximi ad salutem momenti est, animum potenter erigere, & excitare, omnem curam & sollicitudinem deponere, a morbi cogitatione mentem avertere, mœrori & tristitiæ se fortiter opponere, spem melioris valetudinis amplecti, studium literarum remittere, vel ad tempus suspendere, a con-

F

tentione

tentione animi magna, & lucubratione abstinere, quieti & somno locum dare, objecta meditationis variare, solitudinem abrumpere, & jucundo amicorum consortio, & sæpius Musicæ vocalis, aut instrumentalis oblectamento, vel alia suavi recreatione se refocillare.

Huic animi curæ, magnum ad salutem pondus addit, quotidiana corporis ante cibum exercitatio, quæ fit ambulatione, cursu, gestatione, vectione, lusu, vel labore quodam honesto, & amico; vel imprimis etiam equitatione quotidiana, in longum tempus prosequenda, quo solo auxilio gymnastico, post alia quævis incassum tentata, Venerabilem quendam sacrorum Antistitem, jam pridem hypochondriasi ad necem prope mulctatum, Deo dante, feliciter ex voto & sententia convaluisse, gravissimus auctor SYDENHAMUS commemorat. (q).

Huic curationi saluberrimæ plurimum addit efficaciæ, si accedat usus aëris puri, sereni, temperati, & æstivo, aliove tempore idoneo, rusticatio jucunda, campestris, vel montana, cum honesta oblectatione, quod solum præsidium, in morbis contumacibus, & diuturnis, haud contemnendæ Medicinæ loco haberi meretur.

Victus in hypochondriasi convenit moderatus, blandus, humectans, temperans, naturæ ægri & consuetudini congruus; cibi euchyli, eupepti, stomacho amici, salubritatis probatæ, solito tempore sumendi, nec majore copia, quam viscera commode ferant. Nimis tamen scrupulose edulia eligere, aut

repu-

(q) PRAX. Med. Diss. epist. ad GUIL. COLE, edit. Lips. 8. 1695. p. 522.

repudiare, non est necesse, quin præstat aliquando, sanorum regulam sequi, & nullum cibi genus fugere, quo populus utatur. (r) In quo tamen fas est, suum quemque stomachum consultorem non posthabere. Nocent alimenta supra modum crassa, pingua, glutinosa, tenacia, flatulenta, salsa, acria, eo nempe qualitatis excessu, cui vires naturæ non sint ferendo. Juvat potus aquæ fontanæ simplicis, vel chalybeatæ, vel decocti dilutioris ex *radice Gramin.* & *Passul. min. mund.* cum pauxillo *Liquiritiæ*, & *Fenic.* vel *Anisi*, vel *flavedinis cort. Citri rec.* Præter aquam, in prandio & cœna, vini boni, veteris, temperati, haustus modicus ex usu erit, si *Aqua mineralis Selterana*, quæ blandæ alcalinæ indolis est, vel æquipollens alia in promptu habeatur, cum ea vinum diluere inter pastum, & sic per totam æstatem potare, salubris remedii loco censerî merebitur. Si vires valent, nec stomachi conditio, aut aliæ rationes dissuadeant, vere ac autumno, locum habere poterit blanda seu moderata alvi purgatio, per II. III. IV. dies successivos, cui scopo idoneum erit *Apozema laxativum* N^o. 31. cujus dosin ad cujusvis ægri individualement diathesin accommodare oportebit. Si causæ & notæ plenitudinis adsint N^o. 79.) vel ita consuetudo ferat, iisdem temporibus venam secare, & sanguinis uncias VIII. X. plus minus detrahère, non alienum erit, idque vel ante, vel post alviductionem, interposito unius, vel plurium dierum spatio; in casu retentionis hæmorrhoidum, in alterutro pede phlebotomiam instituere præstabit.

F 2

Æstivo

(r) CELSUS *de Med. L. I. C. I.*

Æstivo tempore ad hujus morbi levamen, vel sanationem, nihil aut salubrius, aut efficacius habetur, quam usus aquæ cujusdam mineralis, seu thermalis, seu frigidaë, cum debito moderamine, & accurato regimine diætæ. Quod ut tempestive fiat, & majore cum fiducia, necesse est Medici prudentis ac periti consilium implorare, qui habita ratione ægri, & loci, & temporis, nec non perspecta & explorata fontium mineralium natura & indole, proprietate & viribus, quoad selectum habendum, & modum utendi, sive internum, sive externum, quam optime ad salutem consulere noverit. Aquas autem minerales, in potione, vel etiam pro exigentia, in lotionem, nervis & visceribus amicas, atque humoribus diluendis, meatibus eluendis, obstructionibus referendis, acrimoniæ leniendæ, vel exigendæ, potentissimum esse auxilium, ineffabile Dei omnipotentis munus, cuius alii panacæ antefèrendum, omnium locorum experientia clamat. Ubi non suppetit copia aquarum mineralium, vernali, vel æstivo tempore, salubrem effectum promittit *serum lactis recens*, mane & vesp. ad ℥j. ij. calide potum, per integrum mensem; aut jura medicata ex carne vitulina, vel gallinacea, cum *radicibus rec. cichor. gramin. herb. Taraxaci*, & *charesfol.* mane & vesp. ad ℥j. dosi matutinæ addendo *salis mirabilis Glauberi*, vel *Arcani dupl.* drachmam unam. In temperie calida & sicca eodem modo valeret usus *Decocti avenacei Loweri* N^o. 55.

Qui alio quovis tempore, solis præsidiiis diæteticis supra indicatis acquiescere nolit, ei opportunus erit usus *Apozematis cichoracei* N^o. 56. alternis mensibus

sibus iterandi; interponendo scil. *Elixir stomachicum Hoffm.* N^o. 4. hora ante singulos pastus, ad *drachmas II. IV.* cum aquæ vehiculo; vel *Tincturam Martis cum pomis Aurant. paratam.* DISPENS. Wirtemb. ad *unciam semis.*

In leviori morbi gradu, ejusque principio, quandoque non tam vitii humores, quam affectio spasmodica anomala peccare videtur, adeo ut malum fere sine materia morbifica, in solo nervosi generis motu turbato consistere videatur. In hujusmodi casu ad usum *Corticis Peruviani*, aut *martialium*, ceu præstantissima roborandis organis vitalibus remedia, confugere licet. Eligatur ergo Cortex recens, genuinus, optimæ notæ, ejusque recens pulverisati scrupulus, mane ac vespri per integrum mensem, bihorio ante pastum, cum vehiculo aquæ, aut vini assumatur. Vel ejus pulveris uncia cum Vini generosi ℥ij. infundatur, hujusque turbati unâ cum pulvere mane ac vesp. uncia una capiatur. Limatura ferri, aut chalybis purissimi in subtilem pollinem reducta, simili ratione, vel alia quacumque forma in usum trahi potest.

(a) Inter symptomata Mali hypochondriaci, interdum accidunt anxietates præcordiorum repentinæ, cum insigni languore ac debilitate, & virium quasi exsolutione, pallore vultus, extremorum frigore, animi metu & angore, palpitatione cordis, pectoris angustia, pulsu parvo & imbecilli, quandoque nausea, vomitu, membrorum tremore, conjuncto, paroxysmo ad plures horas, vel longius durante; interdum per intervalla recurrente. In hoc pathema-

te, nervosi & musculosi systematis pneumonici, cardiaci, gastrici, affectio spasmodica subesse, & ab animi commotione, metu, terrore, ira, flatibus cummulatis, & retentis, ventriculi expansione, vel colli, diaphragmatis compressione, &c. oriri videtur. In hoc casu tanta est animi abjectio, ut certam quasi mortem sibi instare opinentur ægri, quæ tamen anxietas eruptione flatuum, aut vomitu, dejectione, diuresi, perspiratione, citius vel tardius iterum solvitur, ac dissipatur.

Urgente hoc pathemate, opus est animum solatio erigere, & in spem meliorem adducere; manus & pedes, vel etiam caput, nucham, ac spinam dorsi, calide fricare; naribus *acetum odoratum* N^o. 1. vel *Aquam odoriferam* N^o. 2. vel *spiritum melissæ Carmelit.* vel *Reginæ Hungar.* subjicere; eodemque verticem capitis, tempora, nucham, carpos manuum, scrobiculum cordis fricare, & huic porro fomentum calidum superdare; alvum quoque *lotione calida emolliente* N^o. 22. solvere, si nausea & vomitatio adsit, aquæ simplicis tepidæ copiam propinare, donec vomitus sequatur; Ceterum cardiaco vires excitare, & spiritus refocillare, cochleatim ingerendo *vinum pane tostio*, vel *corticibus citri*, vel *Cinamomo* imbutum, & saccharo ad gratiam edulcoratum; vel *aquam Cort. Aurant.* N^o. 7. In casu graviore adjiciendo *liquoris anodynii minor. Hoffm. guttas XXX.* vel tantundem *salis volat. oleos.* aut *Liquoris C. C. succinat.* Ut primum nonnihil remittit anxietas, sorbitione sive jusculo carneo, vel alio bono analeptico subvenire. Profligato autem paroxysmo, si quid vitii in primis viis hæreat, *pulvere Rhabar-*
bari

bari N°. 25. vel alio blando cathartico alvum ducere; postea vero ad præcavendos alios insultus, totam curationem huic morbo idoneam, & superius exaratam, adhibere conveniet.

(b) Frequens est nonnullis hypochondriacis insultus quidam vaporum, ut vocant, qui languore aliquo, frigusculo pedum, oscitatione multa, calore labiorum, pulsu debilitato, capite vertiginoso, oculorum caligine, &c. se prodit, etiam spasmodicis pathematibus connumerandus, sponte ut plurimum & brevi spatio iterum evanescens, nihilque in recessu periculi habens. Talem paroxysmum citius depellit *Acetum Rutæ*, vel *odoratum* N°. I. vel *Spiritus aliquis aromaticus*, naribus subjectus, & temporibus, carpis, &c. affricatus; Item *Vini generosi*, vel *aquæ Cort. Aurant.* vel *Menthæ*, vel *Melissæ* cum vino paratæ uncia ingesta; vel *Elix. Propr. Parac. guttæ XXX.* cum vehiculo propinatæ. Ad Prophylaxin vero idoneus est usus *Corticis Peruæ* vel *rad. Gentianæ*, infundendo ejus pulveris unciam cum *Vini generosi libris II.* & hujus unciam quotidie semel aut bis ante pastum adhibendo.

(c) Multum quoque molestiæ patiuntur Hypochondriaci a flatibus stomachi & intestinorum, alvique segnitie, vel obstructione, cui vita multum sedentaria, & concoctio ciborum lenta, occasionem præbere solet. Huic incommodo opem ferunt *lotiones in alvum datæ*, ex aqua simplici subcalida, vel *mollientes* N°. 22. adjecta, si opus, ad majorem stimulum, *saponis optimi drachma*; dein motus & exerci-

tatio corporis auctior; alimenta mollia, lubricantia, *vid. supra Part. I. §. 60.* minus tenacia, minusque flatulenta; item usus *Magnesiæ Rhabarbarinæ* N^o. 57. vel *Liquoris Rhabarbarini* N^o. 27.

MELANCHOLIA.

99. Infantiæ genus, quo diu aliquis sine febre desipit, cum metu & tristitia, solitudinis amore, humanæ consuetudinis odio, vigilia multa, somno inquieto, lacrymis absque causa crebris, nonnumquam cachinno effuso interpolatis. Ideæ mentis semel conceptæ pertinaciter inhærent, vix unquam delebiles. Facies & oculi lugent, caput calet, extremitates algent.

„ Fuscus ei color est, nigrâ qui bile redundat,
 „ Corporis & gracilis totius & arida moles,
 „ Horrid' aspectus, vaga mens, non garrula lingua,
 „ Ingenium solers, & mœror acerbus, & horror
 „ Exanguis, trepidusque, pavor qui nocte silenti
 „ Sævior, exagitat pulla sua imagine mentem.

FRANC. PORTI, *Decad.*

Med. I. C. IV.

Malum ex atra bile nasci videtur, sæpe mali hypochondriaci (97) ingravescentis est soboles. Aliàs citra hoc consortium ingruit, sicubi vel labes hæreditaria, vel animi pathemata graviora, terror aut metus intensior, ex improvise incussus, curæ enormes, desiderium vehemens rei non impetrabilis, dolor

lor ex dispendio , vel jactura insigni cor pre-
mens, &c.

Melancholia contumax, diuturna, & ægre cura-
bilis est. Pejor quæ ex labe hæreditaria, aut ex
animi perturbatione, quam ex vitio corporis geni-
ta. Levior, quæ tantum imaginibus fallit, non au-
tem consilio. Recens aliquam curationis spem re-
linquit, radicata & veterascens vix ullam. Eruptio
sanguinis tempestiva, per nares, per hæmorrhoides,
aut aliam viam, bono est; item varices, scabies,
ulcera crurum, febris quartana, vomitus, aut alvi
fluxus criticus, ut quorundam exemplo comper-
tum est.

100. Medendi scopus est: 1) Originem & cau-
sam primordiale tollere. 2) Atram bilem corri-
gere, & secundum naturæ ductum eliminare. 3)
Symptomata lenire. Eadem hlc ratio victus, &
auxilia quævis, ut in *malo hypochondriaco* §. 98. lo-
cum habent. Cum primis ad protopathejam respici
debet, quæ si ab animi ægritudine cœpit, huic præ-
cipuam curam adhibere oportet; sin secus vitium
corporis primitivum antecefferit, huic debellando
magis opera danda est. In priore casu, quævis con-
silia tam moralia, quam physica tentare convenit,
quæ animum sanare queant. „ Ex CELSI placito:
„ removendi terrores, & potius bona spes afferen-
„ da; quærenda delectatio ex fabulis, ludisque,
„ quibus maxime capi sanus assueverat; laudanda,
„ si qua sunt, ipsius opera, & ante oculos ejus po-
„ nenda; leviter objurganda vana tristitia; subinde
„ admonendus, in his ipsis rebus, quæ sollicitant,

„ cur non potius lætitiæ, quam sollicitudinis causa
 „ sit; cui porro placet: non oportere esse vel solos,
 „ vel inter ignotos, vel inter eos, quos aut contem-
 „ nunt, aut negligunt; item mutare debere regio-
 „ nes, & si mens redit, annua peregrinatione esse
 „ jactandos; item vehementer exerceri debere, mul-
 „ taque frictione uti. (s) Nec alienum erit, quid
 Musica seu vocalis, seu instrumentalis possit, ad
 imaginationem erroneam, ad metum, & tristitiam
 discutiendam, & alias ideas in mente excitandas,
 omni ratione & modo experiri.

Si vero prævium corporis vitium in culpa est,
 atrabilaria nempe humorum intemperies, huic emen-
 dandæ, & debellandæ, quævis auxilia ex quolibet
 medendi fonte attemperanda veniunt: ratio victus
 tota, ut §. 98.) idemque de missione sanguinis con-
 silium; nec non eadem ex fonte pharmaceutico au-
 xilia; præsertim usus aquarum mineralium, in po-
 tu & balneo.

COLICA.

101. Doloris tormentum, quo intestina crucian-
 tur, cujus ut variæ causæ, sic genera sunt: colica
 flatulenta, biliosa, hæmorrhoidalis, nephritica, ver-
 minosa, saturnina, convulsiva; interdum hypochon-
 driacæ affectionis est soboles, a vitiata coctione, a
 cruditate, a flatibus, a bile, a succo pancreatico,
 „ & enterico depravato oriunda. Immanissimi do-
 „ loris tormento intestinum affligitur, ut terebello
 „ etiam

(s) *De Medic. L. III. C. 18.*

„ etiam pertundi videatur, ac poene spiritum elide-
 „ re; nunc uno in loco stabilis, alte excrucians,
 „ quem neque flatus, neque ructus lenit; nunc va-
 „ gus & instabilis, magnam occupans ventris par-
 „ tem, modo dextram, modo sinistram, utique si
 „ a flatibus esse morbus coepit, qui sæpe intus quo-
 „ dam veluti rugitu obmurmurant, arctèque con-
 „ clusi neque ore, neque alvo erumpunt. Alvus
 „ plerumque sic impedita est, ut nihil infra, ac ne
 „ flatus quidem prodeat; ac si quid vel sponte, vel
 „ arte redditur, id siccum esse instar ovilli stercoreis
 „ solet. (t). Malum per intervalla remittit, ac de-
 „ nuo exacerbatur. Aliquando periodicum suos habet
 „ circuitus, Pro diverso gradu, & causarum conditi-
 „ one, plus minus discriminis habet. Salutis spem
 „ facit, alvum obsequiosam fieri, dolorem mutari, &
 „ longius intermittere, a stercore reddito, aut flatu
 „ emisso, ægrum levare, ventrem minus tensum esse,
 „ siti vacare, respirationem & pulsum bene habere,
 „ mictionem liberam esse, manus ac pedes calorem re-
 „ cipere, vomitum, si quis antecessit, cessare, som-
 „ num & quietem redire. Colica gravior & obstina-
 „ ta, qualis est Pictonum, & saturnina, spasmodica,
 „ tandem se recipiens paresin manuum post se relin-
 „ quit. Sæpe coli dolor, in resolutionem nervo-
 „ rum, vel in morbum, tum articulare, tum co-
 „ mitialem, vel in hydropem transit; interdum
 „ etiam in volvulum abit, idque intra primum
 „ diem. (u)

102. Ad

(t) LOMMIUS *Observ. Med. edit. Antverp.* 1560. 8. p. 65.

(u) LOMM. *l. c.*

102. Ad Sanationis scopum, necesse est mali originem & causam indagare, eique auxilia accommodare, videlicet (1) Vitium intestina occupans debellare, & (2) Dolores & spasmos atroces sedare. Juvat animus pacatus, & perturbationis expers, aer temperatus, vel moderate calidus; abstinencia ab omni cibo solido, & quavis acrimonia calefaciente; juscula, sive sorbitiones blandæ, ex carne vitulina, bubula, gallinacea paratæ dilutiores, cum incoctione *rad. rec. Scorzonerae, herbae Endiv. Lactuc. Chærefol.* quovis trihorio calide sumendæ ad plures uncias; vel *sorbitiones tenues hordeaceæ, avenaceæ, &c.* potus aquæ font. tepidæ, simplicis; vel decocti *rad. Graminis*, cum *passul. min. mund.* ac pauxillo *Liquiritiæ*; vel *seri lactis rec.* quies in lecto tepido, molli; Alvus solvatur protinus *lotione molliente* N^o. 22. sexta quaque hora repetenda, posterioribus, si opus videatur, addendo stimulum ex *Mellis mercurialis* ʒj. *℞ salis Gemmae* ʒj. vel *saponis venet.* ʒj.

Nisi plethora, vel hæmorrhoidum retentio, vel febris, aut inflammationis metus adsit, nihil opus erit venæsectione. Ex fonte autem officinali calide propinetur *apozema laxativum Mannatum* N^o. 31, ad *uncias IV.* subjungendo per intervalla aliquot horarum *duas uncias*, donec alvus satis expedita videatur, interponendo juscula modo dicta, & subinde etiam unciam *Olei Amygd. dulc. rec.* cum pari portione *Mannæ liquidæ* commixti. Finito apozemate mannato, juxta usum ulteriorem *Olei Amygd.* juvabit *Decoctum molliens, aperiens* N^o. 58. ad *uncias IV.* quovis trihorio calide hauriendum; vel *SERUM lactis medicatum* N^o. 59.

Quoad

Quoad externa, prodest frictio calida, sicca, artuum superiorum & inferiorum; ventris inunctio calida cum *Oleo absinth. Aneth. chamom. Menth. sambuc. Papav. alb.* sæpius iteranda; fots paregoricus ex *Lacte & aqua*, vel *oleo vesicâ* excepto, calide impositus; vel ex decocto *herb. absinth. Abrot. Menth. Ruth. flor. chamom. Malv. Malilot. sambuci* unà cum capitibus *Papav. alb.* cui pannus laneus immerfus, & expressus, calide toti abdomini applicetur, renovando in singulas horas, vel quoties refrixerit; vel *Cataplasma* ejusdem virtutis; vel animal junius vivum, vel medio-sectum cruentum calens superdetur; vel balneum vaporis, aut immersionis paregoricum aqueo-lacteum.

„ Qua parte dolet venter, cucurbitulas sine ferro
 „ defigere, CELSI consilium est. (x) JAPANENSES
 „ plantas pedum ferro candente, vel abdomen im-
 „ posita moxa adurant, & colicæ dolorem levant. (y)

Si doloris sævitia urgeat, pro sedativo erit *Liquor anodynus miner. Hoffm.* cujus dosis & repetitio, consilio & prudentiæ Medici utique committi debet, ne intempestive, aut perperam aliquid agatur. Si tanta sit alvi obstructio, ut cæteris omnibus auxiliis nihil cedat, non alienum erit, tentare *fumum Nicotianæ*, per fistulam idoneam, recto intestino immittendum; aut enemata valentiore alio stimulo circumspecte tamen acuire.

Superato tandem præsentì morbo, ad prophylaxin pertinebit, totam victus rationem, a parte animi & corporis, ita instituere, ut quibuslibet cau-
 lis

(x) *Lib. IV. C. 14.*

(y) PLATNER. *art. med.* §. 117.

sis recidivam minantibus sit opposita, cum maxime illi individuali causæ, quæ in dato subiecto originem malo dedisse videatur.* Quocirca usus *enematum simplicium*, & suo tempore *jura medicata*, *serum Lactis simplex*, vel *medicatum*, *serum lactis dulce*, & cumprimis *Aquæ thermales & minerales*, in potu & balneo, si pro indicantium ratione, cum dexteritate suscipiatur, salutarem Deo benedicente opem pollicentur.

- „ Pharmaca componas diversa, dolentibus uno
- „ Vulnere: mille dolos unica febris habet.
- „ Sæpe aliquid latitat tenebroso in corpore, quod te
- „ Vertere cuncta tuæ spicula coget opis.
- „ Hinc neque præsentis tantum primordia morbi,
- „ Historiam ægroti fata vicesque scias.

HEERKENS p. 28.

- „ Jura ministrabis & idonea pharmaca dentur,
- „ Lætaque quæ recreent corpora fessa refer.

IDEM pag. 18.

ELENCHUS MEDICAMENTORUM.

REMEDIA QUÆDAM OFFICINALIA in promptu habenda.

Nº. 1. ACETUM ODORATUM. R. Flor. Anthos, cheiri, Lavend. Lil. conv. Rosar. r. salv. ana unciam semis. Caryoph. ar. Cynam. acut. Lign. Rhod. Cort. rec. Citr. ana drachmas II. misc. incis. & contus. affund. aceti vini opt. libras II. Diger. per dies VI. tunc colatura in vitro ad usum reponatur.

„ Vires

„ Vires habet nervos roborandi, spiritus reficien-
 „ di, sensus excitandi, usu externo venit, ad nares,
 „ ad verticem capitis, ad tempora, carpos manuum,
 „ scrobiculum cordis, in forma epithematis, aut sal-
 „ tem naribus subjiciendo, irrorando, affricando.
 „ Interdum spirituosus præstat. Prodest in debili-
 „ tate, lipothymia, oscitatione, vertigine, affectu
 „ hysterico, &c.

N^o. 2. AQUA ODORIFERA. *℞.* Rad. Angelic.
 Iridh. flor. Hb. Basilic. Majoran. Meliss. Serpilli, Fl.
 Anth. Aurant. Jasmin. Lavand. Lil. conv. Rosar. ana
 unc. semis. Caryoph. ar. Cinam. acut. Cort. rec. Citr.
 Lign. Rhod. ana unciam I. Incis. & contus. misc.
 affund. Spir. Vini rectific. libras IV. & aqu. font. lib.
 II. & post digest. dierum IV. aut VI. l. a. destill.
 ad libras IV. usui reponendas.

„ Vires reficit, caput, cerebrum, nervos robo-
 „ rat, sensus excitat, organum olfactus suaveolen-
 „ tia permulcet, cor exhilarat. Externe naribus ad-
 „ movetur, vertici capitis, nuchæ, temporibus,
 „ carpis manuum affricatur. Scrobiculo cordis cum
 „ lanea tela instar epithematis calide applicatur. Pro-
 „ dest in virium languore, deliquio animi, vertigi-
 „ ne, terrore, nausea, horrore, affectu vaporoso,
 „ comate, lethargo, hemiplegia, apoplexia, &c. fri-
 „ gidis. Etiam interne ad drachmam I. II. cum vehi-
 „ culo aquæ dari potest, in graviore debilitatis casu.

3. AQUA VITÆ. *℞.* Pomi Citri rec. opt. N^o.
 I. concis. affund. Spir. Vin. vel Ceras. opt. lib. II.
 diger. per $\zeta\rho$. tunc colat. add; Aqu. flor. Acac.
 libr. I. jul. Rosar. uncias IV. Tingatur Essentiæ
 Croci pauxillo, & usui servetur.

„ Suave

„ Suave cardiacum vires refocillat, stomachum
 „ roborat, cerebrum recreat, cor excitat, &c. cum
 „ moderamine sumptum. Dosis uncia semis, vel in-
 „ tegra. In languore virium, animi defectione, ver-
 „ tiginē stomachica, nausea, vomitu, terrore, metu,
 „ tristitia, frigore, &c.

4. ELIXIR BALSAMICUM STOMACHICUM
 TEMPERATUM HOFFM. ℞. Extr. Absinth. Card.
 ben. Cent. min. Gentianæ, ana unciam I. Flaved.
 Cort. aurant. amaror. ab omni albedine mundat.
 uncias IV. inc. affund. Vini Hungar. vel alius ge-
 nerosi opt. libras II. Spir. cort. aurant. rectific. un-
 cias II, Diger. per triduum, tunc filtrata ad usum
 reponantur.

„ Stomachum & viscera roborat, appetitum au-
 „ get, concoctionem juvat, flatus dissipat. Dosis
 „ drachma I. II. mane ac vesp̄i ante pastum, per
 „ se, vel cum vehiculo aquæ, aut vini. In anore-
 „ xia, nausea, vomitu, cruditate, dyspepsia, flatu-
 „ lentia, cachexia, & variis morbis chronicis.

5. ELIXIR AMARUM PRÆSERVATIVUM.
 ℞. Rad. Cichor. Enulæ, Gentian. Rhabarb. ver. el.
 ana unciam semis. Hb. card. b. Centaur. min. aa
 manip. I. Flaved. rec. Cort. Aurant. Sem. Fœnic.
 Myrrh. el. Aloës Socotr. aa drachm. II. Inc. & cont.
 m. affund. Spiritus Vin. opt. libras IV. Diger. per
 dies VIII. tunc filtrat. liquor usui fervetur.

„ Viscera firmat, appetitum ciet, concoctionem
 „ promovet, flatus pellit, vermes fugat; cruditates
 „ corrigit, alvum solvit; Dosis ʒij. per se, vel cum
 „ aquæ vehiculo, in anorexia, dyspepsia, crudita-
 „ te, flatibus, nausea, vomitu, colica frigida, ca-
 „ chexia,

chexia, ictero, frigore & horrore, terrore, animi deliquio, &c.

6. VINUM ENULATUM. ℞. Rad. Enulæ elect. libram I. Passul. maj. exac. libras II. Sacch. opt. libras IV. misc. incis. affund. in doliolo vini alb. vet. opt. mens. XXX. five libras CXX. & usui in cella fervetur.

„ Alit, roborat, attenuat, aperit, pectori & stomacho amicum est. Dosis unciae III. inter prandium; in anorexia, dyspepsia, cacochyliā, flatulentia, asthma pituitoso, catarrho frigido, &c.

7. AQUA CORTICUM AURANTIORUM. ℞. Cort. Aurant. rec. uncias VI. Concis. affund. Vini albi vet. opt. libras VI. post horas XII. l. a. destill. ad libras III. add. Sacchari albi q. s. ad gratiam, & usui fervetur.

„ Stomachica, cardiaca, carminativa est; dosis ʒss. vel integra. In languore stomachi, inappetentia, flatibus, oscitatione, vaporibus, &c.

8. TINCTURA RHABARBARI. ℞. Rhabarb. veri electiss. unciam I. Sal. Tartari drachmas II. Aquæ Cichor. uncias VIII. Cinamom. c. vin. uncias IV. Misc. diger. per ℞. tunc filtratus liquor usui fervetur.

„ Stomachum roborat, appetitum movet, bilem corrigit, acidum emendat, flatus pellit, alvum leniter solvit, lumbricos fugat, urinam ciet, putredini resistit. Dosis drachma I. IV. pluresve, per se, vel cum vehiculo aquoso, mane jejuno stomacho, vel horæ spatio ante prandium, & coe-

nam. Valet in anorexia, cruditate, nausea, vomitu, alvi obstructione, malo hypochondriaco, ictero, colica, nephritide, arthritide; post iram, terrorem, &c.

9. BALSAMUM VITÆ.

℞. Olei dest. Caryoph. arom. Cinamom. de Cedr. Lign. Rhodii, Lavendul. Majoran. ana scrupul. I. Balsam. Peruv. drachm. β. Ambraę gryf. grana VI. Spiritus Anthos rectificatissimi uncias VI. ex florib. Anthos recentibus, cum Spirit. Vini gall. optimi, paretur Spiritus aromatic. rectificatissimus, qui oleis destillatis, cum Balsamo peruviano & Ambra diligenter subactis affusus, digeratur per dies VI. in vase optime clauso, tunc liquor filtratus usui fervetur.

Est egregium nervinum, cephalicum, cardiacum, stomachicum, &c. Interne in affectibus soporosis, ventriculi & intestinorum, a notabili partium solidarum atonia, in subjectis frigidis, humidis, senibusque ad aliquot guttulas adhibetur, saccharo instillat. vel in vehiculo. Externe vero excitandi, discutiendi, & roborandi scopo, naribus, auribus, vertici, nuchæ, pulsibus applicatur.

10. SPECIES PRO POTU. ℞. Rad. Gramin. ʒvj. Glycirrhyz. unc. I. Sem. Anis. Fœnic. Ras. C. C. Ebor. aa drachm. II. Passul. min. mund. unc. IV. jnc. m. ferventur in scatulâ. Drachma I. vel II. ebulliant cum Aquæ font. libris IV. per unius, vel alterius minuti spatium, colatura in usum cedat, pro potu ordinario, per se, vel cum vino mista. ad humectan-

mectandum, diluendum, leniendum, fanis & ægris conducibilis.

11. THEA COMPOSITA. ℞. Herb. Agrim. Betonic. Capill. ♀. Veronic. ana uncias III. Flor. Bellid. min. Betonic. Borrag. Primulver. Scabios. Violar. ana uncias II. Inc. misc. & ufui ferventur in scatula.

„ Pugillus drachmæ I. vel II. infundatur cum
 „ aquæ font. bullientis libra I. per $\frac{1}{4}$. horæ, tunc
 „ faccharo, vel Syrupo Capillorum edulcorat. cali-
 „ de forbilletur, mane aut vesperi. Vires habet at-
 „ tenuandi, resolvendi, aperiendi, se- & excretio-
 „ nes promovendi, corrigendi; Valet in humorum
 „ lentore, viscositate, acrimonia, putredine; in
 „ morbis catarrhalibus, cephalalgia, gravedine, co-
 „ ryza, broncho, tussi, asthma; in doloribus
 „ rheumaticis, arthriticis, nephriticis; in morbis
 „ lentis, hecticis, phthisicis, &c.

12. SPECIES PECTORALES. ℞. Rad. Alth. Liquirit. Hb. Capillor. Bellid. cum flor. Flor. Farfar. Primulver. Scabios. Verbasc. Caricar. pingu. Dactylor. Jujubar. Passul. maj. exac. ana uncias II. Inc. ms. ferventur. in scatula. Unciæ quatuor coquantur cum aquæ font. ℥VI. per minuta octo; colaturæ unciæ IV. fumantur calide sexta quavis hora. Interdum lactis vaccini pars additur, vel etiam aliquid sacchari, pro exigentia morbi, & ægroti.

„ Vires sunt lenientes, lubricantes, abstergentes,
 „ demulcentes, pectorales, becchicæ. Profunt in
 „ morbis catarrhalibus, broncho, tussi, asthma,

„ pleuritide , peripneumonia , phthisi , hæmopty-
 „ si , &c.

13. SPECIES LAXATIVÆ. ℞. Fol. Senn. mund.
 unc. II. Rad. Liquirit. unciam semis. Sem. Coriandr.
 Fœnic. ana drachm. II. Cremor. Tartari unc. I.
 Passul. min. mund. uncias IV. Mannæ Calabr.
 el. unc. VIII. inc. misc. ferventur in Scatula.

„ Unciæ II. per noctem infundantur in aqu. font.
 „ unciis VI. calide , postridie ebull. leviter , & Co-
 „ latura pro dosi hauriatur mane calide , subjungen-
 „ do jusculum dilutum in singulas horas. Alvum
 „ blande subducit , multoties. Prodest in multis
 „ morbis , pro ratione indicantium , in cruditate ,
 „ colluvie morbose varia primarum viarum , malo
 „ hypochondriaco , melancholia , colica , febri-
 „ bus , &c.

14. PILULÆ PURGANTES. ℞. Aloës focco-
 trin. depurat. l. a. unciam I. Gumm. Ammon. de-
 pur. Tart. ☉lat. ana unc. semis. ol. dest. Macis gut-
 tas X. misc. fiant l. a. Pilulæ gran. IV. inaur. fer-
 ventur ad usum.

„ Attenuant , resolvunt , alvum purgant , serum,
 „ pituitam , bilem subducunt , utiles pro ratione in-
 „ dicantium , in cacochylia , cachexia , hypochon-
 „ driasi , melancholia , morbis catarrhalibus , &c.
 „ Nocent hæmorrhoidariis , hæmoptoicis , cholericis ,
 „ febricitantibus. Pro dosi sumantur tres vesperi ,
 „ & septem postridie mane , minuendo , vel augen-
 „ do , numerum ; pro ratione subjecti.

15. PULVIS ABSORBENS. ℞. Corn. C. ust.
Corall.

Corall. rubr. ppt. Lap. Cancror. ppt. Matr. Perl. ppt. ana unc. I. Elæofacch. Cort. Citr. rec. unciam semis. m. f. Pulv. subtil. fervetur in scatul.

„ Acidum absorbet, acrimoniam obtundit; dosiſ
 „ drachma semis, vel integra, per ſe, vel cum
 „ vehiculo aquæ ſimplicis; in morbis ab acido, vel
 „ acri oriundis; ardore ſtomachi, ſive ſoda, crudi-
 „ tate acida, ſcorbuto acido, &c.

16. PULVIS TEMPERANS. ℞. Corall. rubr. ppt. Lapid. Cancr. ppt. Matr. Perl. ppt. Terræ Sigill. ana unc. I. Tartari ⊕ lat. unc. III. Nitr. depur. unc. I. Coccinellæ drachm. I. Miſc. fiat Pulv. ſub. in ſcatula ſervandus.

„ Calorem temperat, refrigerat, acrimoniam le-
 „ nit, viſcoſa reſolvit, ſecretiones & excretiones
 „ promovet. Datur ad drachmam ſemis, mane ac
 „ velperi, cum vehiculo aquoſo, in æſtu febrili,
 „ ſiti urgente, acrimonia bilioſa, putredinoſa; fe-
 „ bribus continuis, & intermittentibus, doloribus
 „ ſpaſmodicis, rheumaticis, arthriticis.

17. PULVIS SOLUTIVUS. ℞. Fol. Senn. elect. mund. Crem. Tartari ana unc. I. ſem. Aniſi, Fœnicul. ana drachm. I. Sacch. cand. alb. unc. II. Miſc. fiat Pulv. ſub. in ſcatula ſervandus.

„ Alvum leniter ſolvit, flatuſ pellit, cruditates,
 „ bilem, pituitam ſubducit. Doſis Drachma I. ho-
 „ ræ ſpatio ante prandium & cœnam. Prodeſt in
 „ alvi ſegnitie, obſtructione, cacochyliā, lumbrici-
 „ cis, &c.

18. PULVIS STOMACHICUS. ℞. C. C. ũſt.
 ũnciam I. Cinam. acut. ũnc. ſemis. Aniſi, Fœnic.
 aa drachm. I. Caryoph. arom. Macis, Nuc. moſch.
 Zingib. ana drachm. ſemis. Sacch. cand. alb. ũncias
 X. Miſc. fiat Pulvis, in ſcatula ſervandus.

„ Stomachum roborat, appetitum acuit, digeſtio-
 „ nem juvat, pituitam corrigit, flatuſ diſſipat, ca-
 „ lefacit. Doſis una drachma, vel II. ſemel aut biſ
 „ quotidie, per ſe, vel cum vehiculo aquoſo; in
 „ languore ſtomachi frigido, cruditate glutinoſa,
 „ acida, flatulenta.

19. SAL LAXATIVUM. ℞. Sal. Sedlicenſ. ꝥ I.
 ſervetur in Vitro.

„ Attenuat, reſolvit, aperit, urinam ciēt, &c.
 „ In majore doſi alvum laxat. Priore ſcopo datur
 „ ad drachm. I. cum vehiculo aquoſo: poſteriore
 „ ad ũnciam I. cum aqua ſimplici, vel juſculo te-
 „ nui, vel Infuſo Theæ. Prodeſt in vario morbo-
 „ rum caſu; item ante & poſt uſum aquarum mi-
 „ neralium, &c.

20. LIQUOR SEDATIVUS. ℞. Liqu. anodynū
 miner. H. Laud. liquidi Sydenh. aa drachm. II.
 Miſc. d. in Vitro probe munito.

„ Vires habet leniendi, ſopiendi, ſomnum ciendi.
 „ Doſis guttæ XXX. cum vehiculo aquæ font.
 „ ſimpl. hora ſomni, vel quavis alia, in caſu dolo-
 „ riſ urgentiſſimi. In cardialgia, colica, cephalalgia,
 „ hemicrania, otalgia, odontalgia, &c. Nocet in
 „ plethora, inflammatione, fluxu critico &c.

21. REMEDIA MAGISTRALIA ex tempore pa-
 randa.



randā. ℞. Effent. Absinth. compos. unc. I. Detur.
in Vitr.

„ Dosis mane ac vesperi ad gutt. XL. cum vehi-
culo aquoso.

22. CLYSMA EMOLLIENS. ℞. Herb. Alth.
Malv. ana manip. I. inc. misc. ebull. cum Aqu.
font. ℥j. Colat. add: olei oliv. rec. unc. II. Mellis
opt. unc. I. misc. fiat Clyster pro una vice.

23. ALIUD EUPORISTON. ℞. Furfurum un-
ciam I. Ebull. cum aqu. font. lib. I. Colat. add: ol.
oliv. rec. unc. II. Mellis opt. unc. I. Misc. fiat Clyster.

24. POTIO LAXATIVA. ℞. Fol. fenn. f. ℥.
drachm. II. Passul. min. mund. unc. semis, Crem.
Tart. drachm. I. Liquirit. drach. semis, Coriandr.
Fœnic. ana gr. XV. inc. misc. infund. per noctem in
aqu. font. unciis VI. postridie mane ebulliant leviter;
in Colat. dissolvatur Mann. Cal. elect. unc. I. Colat.
add: aqu. Cinam. c. v. drachm. I. misc. detur pro
uno haustu calide fumendo.

25. PULVIS RHABARBARINUS. ℞. Rhab.
ver. el. drachm. I. Sal. Sedlicens. drachm. IV. M. f.
pulv. f. d. in ch. pro una dosi, cum aqua simpl. vel
juscūlo tenui, vel Infuso Theæ, vel decocto diluto
gran. Coffeæ, fumenda.

26. INFUSUM AMARUM. ℞. Rad. Gentian.
Cichor. ana unc. semis. Hb. Card. ben. absinth. Cent.
min. Chamædr. ana manip. I. inc. misc. infund.
cum aqu. bullientis libris VI. ut mane ac vesp. un-
ciæ IIII. subcalide bibantur.

27. Liqueur terræ fol. cum RHABARBARO. **℞.** Liqueur terræ fol. Tart. Tinct. Rhab. ana unc. I. Misc. detur in Vitro. ut mane ac vesp. drachma I. vel II. fumantur cum vehiculo aquoso.

28. DECOCTUM CICHORACEUM. **℞.** Radic. Cichor. Passul. min. mund. ana unc. II. Nitri dep. drachm. I. Inc. misc. ebulliant cum aqu. font. libr. IV. per 8 minuta, Colaturæ fumantur mane ac vesp. unciæ IV. calidè.

29. POTIO LAXATIVA TAMARINDINATA. **℞.** Tamarind. unc. I. Passul. min. mund. unc. semis, Fol. Senn. mund. drach. II. sem. Fœnic. drachm. semis, Crem. Tartari drachm. I. misc. incisa ebull. cum aqu. font. q. f. Colat. unc. IV. add: Syr. Rosar. fol. simpl. unc. I. aqu. cardiac. off. drachm. I. misc. detur ad Vitro. pro uno haustu calide propinando.

30. DECOCTUM TAMARINDINATUM. **℞.** Tamarind. unc. IV. Coccionell. drachm. semis; Ebull. cum aqu. font. lib. IV. Colaturæ mane ac vesp. unciæ VI. ad X. tepide hauriantur.

31. APOZEMA LAXATIVUM. **℞.** Rad. Cichor. unc. semis, Passul. min. mund. unc. I. inc. misc. ebull. cum Aqu. font. q. f. sub finem add: Rhab. ver. elect. drachm. II. Fol. fenn. mund. drachm. VI. Liquirit. Fœnic. ana. drachm. I. fal. Ebsen. unc. semis. in Colat. lib. II. dissolv. Mann. cal. el. unc. IV. Colatura d. ad Vitro. fumantur mane unciæ IV. calide, & si alvum non moveant, post horas III. subjungantur adhuc unciæ II. interponendo juscula carnea diluta.

32. SERUM LACTIS TAMARINDINATUM.

℞. Tamarind. unc. II. Ebull. cum feri lact. libr. IV. Colaturæ fumantur mane ac v. uncia XII. calide, minuendo dosim, si alvus nimium fluxa reddatur.

33. HAUSTUS LAXATIVUS MANNATUS.

℞. Mann. Cal. el. unc. II. solut. in Aqu. font. q. f. & Colat. add. sal. sedlicens. unc. semis, Aqu. Card. offic. drachm. II. misc. detur ad Vitr. pro uno haustu calido.

34. TINCTURA FL. MALVÆ. ℞. Flor. Malvæ hort. nigr. Manip. II. cum Aqu. font. libr. I. fiat tinctura, Colat. add. julep. Viol. unc. unam & semis. Nitr. depur. gr. X. Misc. dr. ad Vitr. fumantur uncia III. quolibet trihorio.

35. EMULSIO TEMPERANS. ℞. Sem. 4. frig. maj. unc. I. Papav. alb. unc. semis, misc. cum Aqu. Lactuc. libr. I. f. l. a. Emuls. Colatur. add. jul. Viol. unc. iß. Lap. Cancr. ppt. drachm. I. Nitr. depur. gr. X. Misc. d. ad Vitr. Sumantur uncia III. quolibet trihorio.

36. CLYSMA DEMULCENS. ℞. Aquæ font. Lact. vaccin. ana unc. VI. ol. Papav. alb. unc. I. Vitell. ovor. No. I. misc. f. Enema tepide adhibendum.

37. CLYSMA ANODYNUM. ℞. Capit. Papav. alb. ʒij. Spec. Emoll. mij. cum aqu. & Lactis vaccin. ana ebull. Colat. unc. X. add. Vitell. ov. No. I. Misc. f. Enema tepide applicandum,

38. PULVIS DEMULCENS. \mathcal{R} . Gumm. Arab. Tragac. ana drachm. I. Lap. Cancr. ppt. drachm. II. Sacch. cand. alb. unc. β . Misc. f. Pulv. f. d. in scat. ut sexta quavis hora dr. I. fumatur.

39. EMULSIO REFRIGERANS. \mathcal{R} . Sem. 4. frig. maj. unc. I. Papav. alb. Amygd. dulc. rec. exc. aa unc. β . Misc. cum Aquæ font. vel Plantag. vel Nymph. vel Decocti Hordei unciis XVI. fiat l. a. Emuls. Colat. add. fyr. Pap. alb. unc. I. Corn. Cerv. ust. drachm. I. Nitr. depur. drachm. β . misc. ce detur ad Vitr. fumantur unciaë II. quolibet bihorio.

40. IULAPIUM REFRIGERANS. \mathcal{R} . Decocti Hordei lib. II. fyrup. Berber. unc. II. Papav. alb. unc. I. Spir. \oplus li q. f. ad grat. ac. misc. D. ad Vitr. Sumantur unciaë tres quolibet trihorio.

41. CARDIACUM DOMESTICUM. \mathcal{R} . Pan. alb. tost. unc. II. affund. Aqu. font. bullientis unc. VI. & Vini albi vet. frigidi tantumdem, vel pro lubitu, sacchari albi q. f. ad gratiam. Sumatur cochleatim.

42. INFUSUM MOLLIENS, LUBRICANS. \mathcal{R} . Rad. Alth. Liquir. ana unc. semis. Flor. Papav. rh. Primul. Ver. Verbasco. viol. ana manip. I. inc. misc. d. in ch. Pugillus infundatur cum Aquæ unciis IIX. per horæ $\frac{1}{4}$. tunc calide sorbeatur, adjecto lacte, & sacch. qu. placet. Iterando aliquoties per diem.

43. APOZEMA SIMILE. ℞. Specier. pectoral. N^o. 12. unc. IV. Ebull. cum Aqu. font. lib. VI. per minuta VIII. Colaturæ fumantur calide uncia IV. quolibet intervallo sex horarum, vel sæpius minore dosi, adjecto lacte, & sacchari qu. placet.

44. SYRUPUS CUM OLEO. ℞. Syrup. Pap. rh. ol. Amygd. dulc. rec. ana unc. II. Misc. detur in Vitro. Cochleare plenum singulis, vel alternis horis lente per gulam deglutiatur.

45. LINCTUS lubricans. ℞. Olei Amygdal. dulc. rec. unc. II. Sperm. cet. rec. drachm. II. Syrupi Papav. rh. unc. I.ß. m. f. Eclegma, d. ad fict. Sumatur omni bihorio uncia ß. lente delingendo.

46. ALIUS. ℞. Mucilag. Fragacanth. vel Sem. cydon. unc. II. Syr. Viol. unc. I. ms. detur ad fict. Delingatur singulis horis cum baculo Liquiritiæ uncia Semis.

47. GARGARISMA MOLLIENS, LUBRICANS. ℞. Herb. Alth. Malv. Flor. Pap. rh. Verbasc. ana manip. ß Caricar. N^o. VIII. Croci opt. gr. XX. inc. misc. ebull. cum Aqu. lib. I. Colaturæ add. Syr. Pap. rh. unc. I. Eoque singulis horis coluatur os, & fauces, vel cum siphone injiciatur calide. Adjecto Lacte magis molliens erit.

48. DECOCTUM EMOLLIENS. ℞. Herb. Alth. Malv. Flor. Malv. Verbasc. Chamom. ana M. I. Sem. Lini rec. drachm. IV. inc. misc. ebulliant cum Aquæ font. libris IV. per minuta X.

49. CATAPLASMA MOLLIENS. \mathcal{R} . Rad. Lior. alb. Alth. ana unc. I. Hb. Alth. malv. Fl. Chamom. Verbasc. ana man. II. Farin. sem. Lin. unc. II. misc. f. pulv. gross. & cum Aquæ & lact. ana q. f. coqu. ad consist. pultis, cujus portio linteo intercepta calide superdetur, renovando quovis trihorio, vel pro exigentia.

50. SORBITIO EUPORISTA MOLLIENS, anticatarrhalis. \mathcal{R} . Furfur. tritic. unc. I. sacch. cd. alb. unc. I. Misc. ebulliant parum cum Aqu. font. lib. I. Colaturæ admisceatur Vitell. Ovor. N^o. I. Misc. & calide sensim forbeatur aliquoties per diem.

51. ELÆOSACCHARUM BECHICUM. \mathcal{R} . Sperm. Cet. rec. drachm. II. Rad. jrid. flor. Liquir. $\hat{a}a$ gr. XXX. Gumm. Arab. drachm. I. Sacch. cand. alb. unc. I. Misc. fiat pulv. f. d. in scat. sumatur drachma I. quolibet trihorio per se, vel cum Vehiculo calido aquoso.

52. JUSCULA NASTURCINA. \mathcal{R} . Herb. rec. Nasturt. aquat. manip. II. jncis. ebulliant per minutum cum jusculi carn. vitul. lib. II. Colaturæ leviter expressæ, m. ac vesp. dimidium calide hauriatur. Vitellus ovi gallin. adjectus in singulas doses, jusculum gratius, & salubrius reddit.

53. JULAPIUM DEMULCENS. \mathcal{R} . Aqu. Pap. rh. Lactuc. $\hat{a}a$ unc. III. syr. Papav. rhead. unc. I β . ol. Amygd. dulc. rec. unc. β . misc. dr. ad Vitr. quolibet trihorio ad aliquot cochlearia.

54. DECOCTUM DIAPNOICUM PECTORALE.

LE. ℞. Rad. Bardan. Scorzon. ana unc. I. Alth. Liquir. aa dr. II. Hb. Capill. ♀r. Bellid. c. flor. Flor. Farfar. Verbasc. scabios. Borrag. ana Pug. I. Caric. N^o. VI. Inc. misc. ebull. cum aqu. font. q. f. Colat. ℥IV. d. ad Vitr.

55. DECOCTUM AVENACEUM LOWERI.

℞. Avenæ integræ multoties ad puritatem lotæ unc. VI. Ebulliat cum Aquæ fontan. libris XII. in vase terreo mundo, ad tertiæ partis consumptionem, sub finem add. Rad. cichor. unc. I. Santal. rubr. unc. β. Sacch. alb. cand. unc. II. Colatura iterata in Vitro reponatur in cella, ad usum. Dosis libra β. vel I. tepide mane jejuno stomacho, & vesperi bihorio ante cœnam, per 4. f. plures hebdomadas.

56. APOZEMA CICHORACEUM. ℞. Radic. Cichor. Passul. min. mund. ana unc. II. Nitr. tabul. gr. XXX. jnc. misc. ebull. cum Aqu. font. libr. IV. per minuta X. Colaturæ mane ac vesp. unciaæ sex calide hauriantur per mensem.

57. MAGNESIA RHABARBARINA. ℞. Rhab. ver. elect. Tartar. Ⓟlat. à drachm. II. Magnes. alb. unc. I. Misc. fiat Pulv. subt. d. in scat. Sumatur drachma una mane ac vesp. cum vehiculo aquoso.

58. DECOCTUM MOLLIENS, aperiens. ℞. Rad. Alth. Bardan. ana unc. I. Hb. Malv. scord. Flor. Chamom. Verbasc. ana man. β. Acaciar. man. ij. inc. misc. ebull. cum Aqu. font. q. f. per minuta VI. Colaturæ quolibet trihorio haustus calide sumatur.

59. SERUM LACTIS MEDICATUM. ℞. Flor.
Acac. manip. IV. Ebull. cum Seri Lact. rec. libr. II.
per minuta V. Colaturæ fumatur calide lib. I. mane
ac vesperi.

- - - - Quisquis homo morbis patet : ipsaque febris
Victorem ulcisci gaudet iniqua suum.
Dumque aliis servis, fragilissima machina lædi
Proximitate solet transitione mali.
Cerea quæ vigili præbet modo commoda lucem,
Dum servit Musæ, deperit ecce ! meæ.

HEERKENS p. 28.

Qui cœlum & terram, & immensa mundi po-
mœria regit : qui Pater luminum, fons & scaturi-
go omnis boni, vita & lux, & spes omnium fide-
lium, vitæ & sanitatis hum. arbiter ; qui omnibus
creaturis est præsidio ; qui sanis dulcia vitæ præsi-
dia, ægris autem fontes passim foterios, & innume-
ra morborum auxilia, & nihil non ad salutem fau-
stum omnipotenti & benigna manu largitur, in quo
vivimus, movemur, atque sumus DEO TRIUNI
SOLI sit laus honos & gloria, in sæcula sæcu-
lorum !



De valetudine prospera tuenda pag. 3.

De valetudine adversa curanda pag. 30.

De usua medicamentorum pag. 94.

Compt
107

